


बुँ गद्यो नेपाले हःगु खँ

नेपाल भाषा

वंशावली



प्रकाशक — जगत उद्धार प्रेस

हेमना १०२८५ प्युख्या



The History of
SHREEKARUNAMAYA

In Nepal Bhasha

Published—by

Jagat Uddhar press

वसपोल कहणामय सुखावति भुवनं कहाँ विज्याना मर्त्य-
मण्डले सकमनं अन्नदयका लोकपित्त प्रतिपाल याना सुखवीया-
लागि व वटगगि संसारया हेतु बाक्ये मुक्तजीगु यथे धका
क्यनेया लागी यक्षलोके जन्मकया विज्यागु खः ।

(बुद्ध वचन) भक्त्यहं वाचयामि प्रणामित शिरसा तं
महायाना सूत्रम्— जि न्हापा नेपाले कान्तिपुर नगर (थवंही)
स सिंहसार्थवाह महाजन धायका जन्म कायावले न्यासःऽह
वणिजालगणपि मुंका (सिंहलब्दीपे) व्यापार यावना, लसीतेसं
जिमित स्याना नेत थिक यात, उगु वखते जि श्री करुणामययागु
भक्ति यानागुलि स्याय् मफुत लिहां वया लिपा थःहे जुजु जुया
बुद्धया मूल सिद्धान्त महायान धर्मया शस्त्रं लसीतेत त्याका
नेपा देशे सकभनं प्रजापित्त (अष्टमीवृत्त) या स्वामी करुणामयया
सेवा याका धमनं नित्ययाना न्हापा लसीतेसं स्ययत्यंगु
लुमंका धन्य धन्य श्री करुणामय जित रक्षायात थका वसपोल-
यागु पट्शरि महामन्त्र म्वंगु कोटि बोना वया । जित न्हापा
जन्म जन्म पत्ति रक्षायाता विज्यामह संघरत्न करुणामय खः ।
जिः न्हापा जन्म जन्मपत्ति श्राववंच्चे महायाना धर्मचोना
भक्तिपूर्वक गुणवर्णन याना जिगु शिरं करुणामययात नं महा-
यान तन्त्रराज सूत्रयात नं वन्दना यानाचोना । उगु महायान
धर्मया पुण्यं नेपा देया सिमाना लुंविनी उभानस जन्मजुया
थौं बुद्ध ज्वी धून ।

(किन्तु) महायान धर्म व करुणामय भूतमसिल धाःसा हानं
पारमितादि पूर्णयाय् फैमखु, हानं गुरुज्वीगुला छाये शिष्य हे
ज्वी फैमखु, थुजोगु लुं मसीक भिक्षु व बुद्धोपाशक जुया बोने
धैगु नं थिककार खः थका बुद्धं धयाविज्यागु खँ (गुणकारण्डव्यूह
सूत्रेदु) थुजोमह करुणामय नेपा विज्यागु वंशावली संक्षिप्त रूपं
नेपाले भाषां चोया प्रकाशयाना थुकी गनं गनं हुनेफु, सोया
बोना विज्याना-दी पिसं सचेयाना च्वना विज्यायी-दी धैगु
आशा दु ।


—प्रकाशक

श्रीः

मंगलाचरणम्

सुखावतीस्थं लोकेशं पङ्कति दु ख यारकम् ।


नरक संशोधनं देवं नौमि श्रीकरुणामयम् ॥



बुँगद्यो नेपाले हःगु

वंशावलिया खँ

प्रारम्भ



श्री परमेश्वर लोकनाथयात नेपालमण्डलसं विज्याका
रथ जात्रा दयका त गु श्रीकरुणामययागु खँ सन्तिप्ररूपं
कनेत्यना ॥

(ध्व खं गथ्ये धाःसा)

न्हापा ध्व नेपा मण्डलया (भक्तपुर) ख्वप देशे
गुणकामदेव धैमह जुजु छमह दु, ध्व जुजु याके न्याय, नीति,
विवेक, विचार आपालं दु, धर्मात्मा सत्यधारी पराकमी
गुणैश्वर्य दुमह, ध्व जुजु नित्य धर्मया तुतामं चुया प्रजागणपित
थः काय म्हाय् तुल्या प्रतिपाल याना च्वन ।

थव जुजुया कायमचा महु, म्हाय छह जक दु थवया नां गुणलक्ष्मी मैजा, थव मैजा स्वीनिता ३२ लक्षणं पूर्णह्य अति-सुन्दरी सुलक्षणी खः । थव मैजा मचावले छन्दु मञ्चोकं ताउति हे खवल, सकसिन अनेक प्रकारं हेकल सुनानं दिके मफू, लिपा अबुम्हस्ये धायव धोँयात बियाछोथे धायवं ख्वगु दित ।

कथःथे थव गुणलक्ष्मी युवती जुस्यलि बैकुण्ठया मालिक नारायण गुणलक्ष्मी मैजाया स्वप्नसं यगुरूप दर्शन बिया माक भरोसा बियाली थव हे रात्रिया नसंचास तुयूम्ह धोँया रुपकया थः परिवारपि मुंका जुजुया छेँकसं चोना विशब्द विशब्द हाला च्वन ।

जुजुं थव धोँत वथांवया हावगु सोया मनस त्रास जुया ज्योतिष सःता प्रश्न विचारयाका खँ न्यन । ज्योतिषं धाल, थव धोँत हावगु भिगु खः, छु हे मती त्रास कायम्हा (किन्तु) हःपिसं धोँयात छुं बी धाःगुदै, व मन्थूगुलि थन वया हावगु कःभका विन्ति याना बेला कया लिहँवन ।

जुजुं ज्योतिषया वचन विश्वास याना धोँया मालीकम्ह तुयूम्ह धोँ सःता न्यन । जम्बूक ! थन त्रिपि छाय हावगु कारण छु ? तुयूम्ह धोँनं धाल, भो राजन ! छलपोल सत्यवादी खसा जित छलपोलया पुत्री कन्या दानबिया जिलाजं या, सत्यवादी मनुसा याय् म्हा ।

जुजुं आज्ञाजुल । मनुष्यया मचा नं जम्बुकयात कन्या दान बीला, गुजो जु आश्चर्यया खँ ।

धोँनं धाल । छु आश्चर्यया खँ मखु, उवले छलपोलं धोँयात बी भका धैगु मखुला ? जि ताः ।

धोँन थथे धाःगु न्यना जुजुया मती भाँसाँक वना निमिसँ वोह वोह जायका अहो ! गुजोगु हेतु जुल जि म्हाय खोवले दिके मफया कावाक धोँ यात बियाछे भका खलं धैगु आधात्थे

हे नी जुया धोँत वया धावले थव छु धैगु जूगु ल्याः भका छु खेद मनयाना कोधाय वना थः खीरानी नाप सल्हा याना निम्ह स्त्री पुरुषयाँ दुःख मन यानाचोन ।

थनलि थुगु खं गुणलक्ष्मी मैजां सिया मां वौ चोना च्वगु कोधाय वना मां वौ या ख्वाः सोया विन्तियात ।

भो मांता पिता ! थोँ छाय दुःख मन याना व्वा खिउँका चोना विज्याना, छु जुल ? जित धया विज्याहँ । थथे थः पुत्री गुणलक्ष्मी मैजां विन्तियागु न्यना मां वौ नि—म्हस्यां पुत्रीयागु रुप लक्षण खना तुगः मल्लिका दुःख मन याना धोँतवया धाःगु खँ कना विलापयाना चोन ।

थवेलेस गुणलक्ष्मी मैजां हानं विन्तियाना धाल भो पिता ! जिगु विन्ति छगु न्यना विज्याहँ थुकी यागु खँ जित स्वप्नसं क्यने छु कल, छलपोल सत्यवादी, छलपोलं थःगु सत्य वचन—नयात प्रतिपालनयाना जित थव तुयूम्ह धोँयात कन्या दान बिया विज्याहु मती विष्मातयाना विज्याथे मने । थोँ हे रक्षक याना त्रि वनेगु जुल ।

पुत्री यागु वचन न्याना निम्हत्यपूर्ण पुत्री यागु ज्ञान, धोँतेगु चरित्र थुकीका तुगः मल्लिका मन्त्री सःता सल्हायाना प्रजागण-पित्त बोधयाना, कन्या दानयात विधिपूर्वक सारदाम तयारयाना, गुरु पुरोहित आदि प्रजागणपि सकले निमन्त्रणाया ना पुत्री यात स्नान याका तिल हिलं तं का थगु चुके नाना मङ्गलात्सव-ताना धोँत दुतचोना, शुभ—बेलास तुयूम्ह धोँयात स्वामाल कोखाय्का स्वयंवरयाना, गुणाकामदेव राजां थः पुत्री गुणलक्ष्मी राजकुमारी तुयूम्ह धोँयात कन्या दानबिय माःगु ज्या सिध-यका विज्याय ।

थनंलि धौं जिलाजं व पुत्री निम्हं रथस च्वँसेली धौंति
प्यम्हसँ रथ सालायान, जुजु पुत्रीनाप माक खँल्हाना भरिया
तयत कोस कवी हा ल्यूल्यू छोया तयके छोत। वनं वनांतरे
थवन छगू गुफाया होतं दुने दुत दातरुल भरियातनं ल्यूल्यू द्रहौं
वन। नारायणं थःगु माया सो सोकि सोयेमगागु रत्नमय

गुणलक्ष्मीमैयाया धौं नाप विवाह जुगु



सुवर्णया प्रसाद (दरवार)। छगू उत्पत्ति याना थव हे दरवारे
यना दुने चुके थयंम्यंलि धौंति दक्क अलपेजुया वन धौं रुप ना-
रायणं थःगु रुपकया मणिमय सिंहासने निम्ह च्वना बिज्यात।
तुरन्त देवतादि ऋषिमुनिपि वया जज्ञशाला दय्का वेदसहित
होमयाना कलशामिषेकविया होंका विवाह कर्म सहभोजनादि

व्या सिधयेका सकसितां भोजन याकालि भरियातयत
तयानकुगु सुवर्णयागु देमा म्हाति छपाछपा अमिततु, बिया लित-
छोया हल। भरियात वंपि लिहांवया अनजुगु खँ फुक जुजुयात
बित्तियाना लिहां वन।

थनंलि जुजुया मनी नारायण दर्शन यावंगु इच्छा जुया
भरिया नायसहित मन्त्री प्रजागणपि मुंका वंगु वखने
अन गुफास द्वाहांवनेगु व्हो मलू लिपा मन्त्रीप्रजागणपि
छवेलासेलि हो लुया भरिया नाय व जुजु द्वाहां
वना सोबले नारायण दर्शन लाना धन्य धन्य जिगु भाग्य
जि म्हाध्या कर्म थका बित्तियाना सोचाहुला प्रणाम यात।

नारायणं आज्ञा जुल। सत्यवादी। ससुरपिता। धन्य
धलरोल। छलपोल खना जि खुशी जुलः आः जि थन आपा
चोनेमज्यू स्त्री नं सहितयाना बैकुण्ठ वनेत्यल उकिं छपित
बरदान छगू वी, लु फोने याकन थया बिज्याहुं। जुजु बित्तियात
भो नारायण! छलपोलयाके बरदान फोनेत थन जि याकचगेगु
बुद्धि लु फोने जि प्रजागणपिके न्यना फोंवये थका बेलाकया
पिहांवसेलि पिने मन्त्री प्रजागणपि नापलाना सकलें पिहांव-
सेलि लिहांवया जुजु वृद्धा पाको प्रजागणपि सःता न्यन।

भो प्रजागणपि! जित नारायणं बरदान वी थाल
जि लु फोने? वृद्धा पाको प्रजागणपिसं बित्तियात।

भो महाराज? भो नेपा देशे वा बाली छता मद्दु वहे वा
बाली फोना बिज्याहुं। थये वृद्धा पाकोयागु बित्ति न्यना
जुजु नारायणथाय वना वा बाली फोन।

नारायणं आज्ञा जुल। भो ससुर पिता! थोक्गु थाल
तथास्तु जि बी धुन, तर मगध देशे वा पुसा काय्के छोया

ज्येष्ठ शुक्लया अष्टमि धुनेव वा पुसा तयका आषाढ मासस
वा मा पिके व्यू । तानं बखत बखतस जल वृष्टि ज्वीकेत नाग
सन्तोष याय्त, देशे विध्नोपद्रव मदयकेत कोट्याहुति लक्षाहुति
आदि यज्ञ होमार्चनया, जुजु तथाऽस्तु धया, बेला कया लिहां
बल ।

थनंलि जुजु. नारायणया आह्वाये मगध देशे वा पुसा का-
यके छोया सकल प्रजागणपित वा पुसा इनाबिया ज्येष्ठ शुक्लया
अष्टमी धुनेव शुभबेलस वा पुसा तल आषाढमास जुसे'लि
सकसिनं वामा पित । उगुसमये बखत बखतस जल वृष्टिजुया
वा मा तमा जुया बल प्यला न्याला दसे'लि वा पाके जुल,
सरुह प्रजाया हर्षमान जुया धन्य धन्य भी जुजु धाका प्रशंसा-
याना चोन । क्रमये सरुस्यां वा लया दया सोगु बखते
वायादुने मुख्य माःगु जाकि महु ।

प्रजागणपि सकले हरैसनया स्याफगु वा ज्वना जुजु
याथायचना विनित्यात । भो महाराज ! गुलितक दुखसिया वा
पिना बिचायाना चोना आः वा लया दया सोयां वाया दुने
जाकि महु गथे जुल सोया बिज्याहुँ धका सकसिनं स्याफगु
वा कयना लिहां बन ।

जुजु वा कना आश्चर्यचायां वाया दुने जाकि महु स्याफगु
वा छु यायत ज्यू द्वीत जक जिल नयेत मजिल, आः गथे यायेगु
थव खँ न्यनेत जिलाजं नारायणया थास बने माल धेगु
बिचारयाना पूजाया सामाग्री जोना हानं बन । अनध्यस्यांलि
नारायणयात वाः उला प्रणामयाना पूजायाना विनित्यात ।
भो नारायण ! छलपोलया आह्वां वा पुसा कायके छोया वा
पिका सोयां वाया दुने जाकि महु वा फुक स्याफजक

जुजुलि प्रजागणपिनि परिश्रमयाक व्यर्थ जुया जिथाय वया
धाःबल जिं छु यायगु वाया दुने जकि दयका बिया बिज्याहुँ ।
भथे जुजु धाःगु खँ न्यना नारायण खछि सुंक चोना उत्तर
बिल ।


भो ससुर पिता ! वा पिना वा सयेका बीगु जक जिगु कर्ताका
वाया दुने जाकि दयकेगु कर्वा जिगु मखुः अन्नया मालिक
जिनं गुरु विधाता श्रीमद् आर्य अवलोकितेश्वर करुणामय
दनि वसपोलं जक वाया दुने जाकि दयका बिज्यायफु ।
मेपिसं मफु । वसपोलं प्राणिपित रक्षायायया कारणे ३२ स्त्री
निगू अंशया छगू अंश थव पृथ्वी मण्डले कामुनि धेगू तेसे
यक्षणीयागु गर्भ प्रकट जुया अन चोपि यक्षतयन उद्धारयाना
थन नेपालस बिज्याइ, अले थननं सकमनं सुभिक्ष जुया
महामङ्गल स्त्री, वाया दुने जाकि नं दे । थुकिया कारण
गथे धाःसा—

नहापा कामुनि क्षेत्रे चोपि यक्षगणपित रक्षायायया कारणे
श्री करुणामय मुमुक्षुया रुक्मया अन बिज्याना पञ्चशील,
अष्ट शील, बोधिवर्या वृत धर्मोपदेश बिया बिज्यात । अथेया-
निति अनयामह जुजुया स्त्री यक्षणीनं आपालं ज्ञान बुद्धिलाना
अहिंसा धर्मस चोना पुण्य साधना याना चोंगु दु । उकि
वसपोल अन जन्मकया प्राणिपित उद्धार याना बिज्याइतिनि
वसपोल थव नेपाले मबिज्यायक वाया दुने जाकि दे मखु
छु याये छलपोलयागु आयुर्दा मलात छलपोलया कायेया
पाले जि नं कोशिय याना श्री करुणामय नेपाले बिज्याकेगु
ज्या याये उगुबखते तिनि वाया दुने जाकि दे हथाय चायमते
श्री करुणामय स्मरण याना अष्टमी वृत याना न्याय नीति
धर्मस चोना प्रजागणपित प्रतिपाल याना च्वँ जि गुप्त जुया

बनेत्यल धका थुलि आज्ञा जुया वेलाबिया लित छोया हल ।

जुजु लिहाँ वया प्रजा गणपित्त थ्व हे खँ कना चिन्त बुके
याना श्रीकरुणामय स्मरण याना अष्टमी वृत दना चों चों
धर्मया प्रभाव पुत्र सन्तान दत्त, थ्वहे पुत्र यात नरेन्द्र देव धका
मामाकरण याना न्याद दस्त्यांलि विद्यारम्भ याका अनेक
लिपि शास्त्र विद्या ज्ञान गुणं पारगत जुया ल्याय्मह जुस्यांलि
छन्दु शुभ-वेलास थ पुत्र नरेन्द्रदेवयात राज्यविषेक बिया
माक खकना श्रीकरुणामययागु सेवा तोते मते सदाकालसं
भक्ति याना च्वं धका उपदेशबिया प्रजागणपित्तनं भरोसाबिया
गुणकामदेव राजा आनन्द तपोवन प्रदेश जुया बिज्यात ॥ ॥
थुलि गुणकामदेव राजायागु संक्षिप्त खँ जुल ।

॥ शुभम् ॥



थंनलि साहु माधन यागु खँ ।

छगू समये गौड़ धयागु नगरे वीरबाहु राजाया पाले सुमति
धैम्ह साहु छम्ह दु, महाधनाय, उकिं थ्व साहुयात सकसिनं
महाधन, धका आपालं नां प्रचलित जुया चोन । थ्व साहुया धन
सम्पति छँ, वं, सुवर्ण, रत्न, अन्न वस्त्रादि आपालं दु पशुपंती,
दासा दासीनं यकं दु, केवल सन्तान छता मदुगुलि छन्दु निम्ह
तिपुया खँ जुल ।

हे स्त्री ! भी थुलिमछि धन सम्पत्ति दु, सन्तान छता मदु
धनसम्पत्ति दुथ्ये सन्तान छतानं दुगु जूसा गुलि जक आनन्द
ज्वीगु खः । छुयाये भीसन्तान मदु धिक्कार भीगु कर्म आः भीसं
सन्तानया लागि श्री करुणामय शरणयाना महाउतमगु उपोष-
धेगु अष्टमीवृत याय्नु धका सल्लाहयाना दम्पतिसहित गुरु पुरो-
हित तथा अष्टमीपत्ति वृत दना थःइच्छा जूथे दान पुण्य याना
च्वन ।

थंनलि छन्दुया दिने करुणाया अधिपति श्रीलोकेश्वरं थ्व
साहुया स्वप्नस दर्शन बिया आज्ञादयका बिज्यात । हे सार्थबाह
छंगु भाव—भक्तिखना जि सन्तोष जुल, छं दु कामना याना वृत
दना ? साहु बिन्तियात ।

भो प्रभु श्री करुणामय ! छलपोलयागु क्पां जित धन
सम्पत्ति, अन्न, वस्त्र सकता भरिपूर्ण जुया चोन, केवल सन्तान
छता मदु, जित मृत्युकालस अग्नि संस्कारयाना जल, दान, अन्न
दान, पिण्ड दान याइम्ह पुत्र छम्ह वरदान बिया बिज्याहुँ धका
फोन ।

श्री करुणामयं आज्ञा जुल । हे सार्थबाह छंत सन्तान वरदान-

बीम्ह महासिध्दा (फकीर) छम्ह थनि ४ प्यनु छंथाय् भिक्षा फो वई, छन्त सन्तान बरदान बीधका आज्ञादयका अन्तर्ध्यान जुया विज्याई ।

थनलि साहु महाधनया न्ह्यलंचासेलि मनस भालपु अहो आश्चर्य थौं जित श्रीकरुणामयनं स्वप्नस दर्शन बिया सन्तान बरदान बीम्ह सिध्दा थनि ४ प्यन्हु वै धका आज्ञा जुया विज्यात । थौं जित स्वप्नास गध्ये क्यांगु खः अथ्य हे बिपनास ज्वीमाल धका श्रीकरुणामययागु नांकया थव खँ स्त्रीयात हे मकसे गुप्तयाना फकीर वै भागु जक आशा याना चवन ।

थनलि ४ प्यन्हु दुखुनु साहुया कला मडुगु बखते श्रीकरुणामय फकीरया भेषकया विभूति म्हस बुया जटो धारण याना कमण्डलु जोना साहु महाधनया खुके दुने वया भिक्षा फोने धका हाका चोन ।

साहुजु फकीर भिक्षा फोने भागु शब्द ताया काचा काचा काहाँ, वना नमस्कार याना आदरभाष तले थत बोना यंका कोमलगु आश्रमस तथा भिक्षा बिया नांना प्रकारया मिष्टान्न धौ, दुरु, पञ्चामृतादि सहित छे दुगु तथा इच्छापूर्ण जुइक भोजन याकल । थ्य बेलस महासिध्दा (फकीर) सन्तोष जुया साहुयात धाल ।

भो साहुजु ! धन्य धन्य, छ खना जि संतुष्ट जुल, छ जिके छ फोनेत्यना फो छं धाःगु जि बरदान बी । थये फकीर धाःगु न्यना साहुजू बित्ति याना धाल ।

भो सिध्दा सहात्मा फकीरजु ! छलपोलया कृपां जिके धन सम्पत्ति सकतां यकोदु, केवल सन्तान छता मडु उकि माहा

दुःख जुया चोन, छलपोलं कृपातया सन्तान (पुत्र) छम्ह बरदान बिया विज्याहुँ धका फोन ।

थ्य बेलस फकीरजु साहुयागु नाडी सोया लाहा बिचार याना धाल । हे सार्थचाह ! जित बाता निगः गोबर छगोरा हकी छंत सन्तान दैगु उपाय याना बरदार बिया वने साहु बाता निगः गोबर छगोरा हयाबिल फकीरं छग बातासं (गोयम) साखि दंकतय छग बातां तोपुया साहुयात बिया थव बाता २१ नीछन्हु तक उला सोयेमज्यू, थो नं मज्यू स्वैत कनेनं मज्यू कयने न मज्यू, छगू गुप्पगु भासेतया बिचा यानाति २१ निछन्हु देखुनु जि हे वया थव बाता उला छन्त सन्तान (पुत्र) छम्ह बीगु जुल, छ स्त्री याके सन्तान दैगु चिन्ह मद्या थव जत्तन यानागु धका थुलि धया लिहाँ वन । साहुजु फकीरं बीया थकुगु बाता दुकुतो येका दुने तथा तालदया थव खँ थः स्त्रीयात हे मकसे ताचा नं मूविसे गुप्त याना तल ।

थनलि भेषधारी फकीर महाजनया छे पिहाँ वना बनान्तरे थप्रस्यलि थव खँ नारायणं सीका हतासं वना नाप लाना नमस्कार याना बित्ति यात । भो गुरु थौं छलपोल भेषधारी जुया गन विज्याना ? भेषधारी श्रीकरुणमय नं आज्ञादयका विज्यात भो नारायण ! थौं जि गौड़ देशे च्वम्ह साहु महाधनया सन्तान मद्या अष्टमी व्रतयाना धर्म कर्म दान पुण्य याना च्वंगुलि वइत सन्तान बरदान त्रिगुया लागि फकीरया भेषकया वयाछे वना गोबर छगोराबाता निगलं थपुक्वपु याना २१ निछन्हु तक उले मते निछन्हु देखुनु जि हे वया उला कयने धका सन्तान बरदान बिया वया । पुनर्बार नारायणं बित्तियात — भो गुरु ! व बाताया दुने च्वंगु गोबरस जि जन्म काः वने, छलपोल विज्याना माःगु बाना विज्याहुँ । थुलि धया

साहया छे गोवरस थःगु हंश लीन जुया चोंवन । मेपधारी श्री करुणामय अन्तर्धानजुया विज्यात ।

थनलि २१ नीछन्हु दुखुनु थव सोहु महाधनया कला न्हापां दना छे छ्वां वपु गंगु बखते छगू कोठास तालं दया तःगु खना थव कोठास तालंदया जित ताचा मबिसे छु खं नं मकंसे दुने छु जक सोथना तल ज्वी मेगु थव छे दक्क कोथायागु ताचा जित लःल्हाना धनसम्पत्ति दक्क पत्यार याना तल; थन कोठा छगू यागु जक छाया पत्यार मयागु ज्वी । अवश्यनं छगू तःधंगु सोथना तःगु दै । बिना तःधंगु मदेकं थथे पत्यार मयासे तैमखु । भौं थन मसोसे छाया त्वते धका मन हथाय चाया थवमहाजननीनं खापा थया हे कोथाय द्वाहां वना स्वत । छगूसेचों छु नं मलं सकंभनं ल्हातीं माला स्वत वाताय थिल; बाँलाक स्वत वाता निगः थपुक्वपु याना तःगु दु । अले थगु मन धुकु धुकु मिका धाल । अहो हे दैव, थव बाताया दुने गुजोगु रत्न सोथना तल ज्वी; दक्क धनया हर्ता-कर्ता जित दु; थव छगुया जक छाया मदुगु ज्वी थुकीदुने छुजक जुई सोहे सोये धका ग्याग्यां ल्हा थरथर खाका मन कुचुका बाता उला सोत ।

साखि छग्वारा तया तःगु खन, खने वं मन विस्मान् याना धाल । थव मिजं वें जक मजला, थपाय्चो नवगु साखि छग्वारा बातासं तया तोपुया ख्यूसे चोंगु कोथाय तया नं तालं गोया ताचा थमं घाना जुल । थुजोगु खि सोथना तैम्ह मिजंयात वें धका गथे मधाय्गु, हा हा थव खि थन गोप्य यानासोथना तःगु गुलि दत्त ज्वी; चोने हे मजीक दुर्गन्ध नवे धूँकल । धिकार-धिकार थव मिजंया बुद्धि सकसियां हीरा, मोती, लुं सोथना तइ; थव मिजंया दुकुति खि सोथना ताचा जोना

जुल । साखि थैगु जा वें थिलेत जक ज्यू, मेगु जा याय्त न मयू अथवा सौपादय्केत सम्म ख्यले दु, सो सो धुकुती थयंक सोथना नवेका तल धका तमं पुतु पुतु हाला बाता जोना पिहां वया भयालं पिने हाकु तिना गोवर वाँछोया बिल ।

थुगु बेलस साहु महाधन पिने द्वाहां वल चुके सौखि छग्वारा वाँछोया तगु खन, मने संदेह जुया काचा काचां थहां वना कोथाय सोवन ताचा थःके खापा थया चाय्का तल द्वाहां वना सोत बाता मदया आःजक धुनका धिकार जिगु कर्म धया थः स्त्री याके न्यन । हे स्त्री ? थन कोथाय सु द्वाहां वन, थनचोंगु वस्तु सुनां कालः गन छोया ? स्त्री नं जवाफ बिल । भो स्वामि ? छि वें जुलथे चो साखि थैगु वाताय तया कोथाय दुनेथयंक सोथनां तय मतय छि मस्यूला वनं तालंदया ताचा घाना जुल, जिजा तः चोकं तंप्पहाँवल जिलिसे हाल । दी मने, कोथाया पिने वने हे मजीक नवः गुलि दुने छु नवगु धका खापाहे थया द्वाहां वना सो वनां गोवर नवया चवगु खना वाता नापं पित हया भयालं पिने गोवर वाँछोये धुन । छि ह मचा धायला वें धायला जित हायकेत जक थथे यानागुला, नवगु खि वाँछोत धकानं आः जक धुनकाधका छाया धायेमागु भी थाय थुलिमछि सा लहिना तंगु दु साखिनापं गुलिजकमा, गुलित तधंगु वस्तु ज्वी ।

थव ख न्यना महाधनया नुगः मछिका मिखां खोचि वयेका

धाल थिकार-थिकार छ पापि चाण्डाल कुबुद्धि मिसा,
कोथाय् दुने थयक सोथना त गु वस्तु वाँछेयत जिके छकन
न्यने माला जि छुयायत सोथना तल ज्वी, दुष्ट अलक्षणी
कुबुद्धिह मिसा ।

मिसा नायोगु छेँ, मन्ना नायोगु छे, नायो मदुगु छेँ,
भो' नाप' नायोगु छेँ गवटे ताले लाथिमखु धका नीतिस
धेतगु धाथ्ये खः ।

फकीर छम्ह तथा सन्तानया निनि गोवर छागवाडा बिया
नीछन्हु तरु थव गोवर गोवर याता ति नीछन्हु देखुनु जि
वया छन्त सन्तान वरदान बी धका थनि २१ नीछन्हु दर,
भतीचाँछि कार्य बिफल जुल । थो'या दिनस' फकीरजु दया
सो बइ जि छु धायगु खः सोथीत न' क्येनेमज्यू कनेमज्यू,
धका थया वगुलि गोप्य याता तथा, सो सो थव पापी
अलक्षणीह मिसा यागु धका फकीर तै जुता छख्ये सु'क
चोना चोन ।

थव बेठस फकीर महाजनयात धाल । हेँ साहुजु जि बिया
थहागु गोवर थनि २१ नीछन्हु दत, थो' व गोवर उला
छन्त पुत्र वरदान बिया थके धका वया याकन कया हति
बिठप्य यायेमने, थो' छंगु मनोरथ पूर्ण जोगु दिन ख । थये
फकीर धागु बचन न्यना महाजनं छु' धाय मफया खलि
सु'क चोना मिवा खोवि घयेक महछम्ह थरं खाका
लानिसां जोरे याता बित्ति यात ।

भो सिन्हां फकीरजु? हलपोलं जितः बिया थयगु गोवर
थव अज्ञानि कुबुद्धि जुया चवम्ह जिम्ह रती नं पुके धु'कल
धाः जि छुयाये, थिकार जिगु कर्म भो योगेश्वर? जितः
क्षमायाना बियाहुँ । थये साहु' धागु खं न्यना हानं
फकीरजु धाल । भो साहुजु? आम गोवरला पुके ज्यगु
मखु, आपालं त थंगु जुया चोगु, तः थम्ह ईश्वर प्रवेश जुया
चोगु, व गोवर मन चाँछत जित वयना द्यु धका फकीरजु
धास्थिलि महाजनं थः स्त्री यात सःतो धाल । अरे दुष्ट
चाण्डाल पापी अलक्षणी कुबुद्धिह मिसा, छं गोवर मन
चाँछोया कयना द्यु । थये थः स्वामी धागु बचन न्यना
साहुनी नं फकीरजु यात दिन्ती याता धाल ।


भो योगेश्वर फकीरजु? छुयाये जि अज्ञानिह मिसां अहं-
कारं गोवर चाँछोया बिया क्षमायाना दिश्याहुँ धका साः
गाले काचा—कानां ककाहा घना सोत, गोवर खन फकीर
व गोवर गवाडा कया पोला सोत, ३० स्वीनीता लक्षणं
पूर्णह दिव्य सुन्दरम्ह बालक जन्म जुया चोन । अले साहु
यात वयनां फकीर धाल ।

भो साहुजु? छंगु कर्मस पुत्र लाभ मदु, जिला हंत पुत्र
वरदान बी धका साखीस थये बालक जन्म यातागु खः ।
हानं साहुनीयात धाल हे साहुनी? छंगु गर्भ पुत्र जन्म
खीगु लक्षण मदुगुलि थये याता पुत्र वरदान दियागु खः तर
छुयाये, छंके अहंकार पिहाँ वया थो' दिन पुरे खीखुनु सागले
चाँछोत थव फुकं छिमिगु कर्मया फलं जूगु खः न कर्म हे मदु

पिन्त बरदान बिया नं दैमखु । आः थव चांडेये धुं कुम्ह
मचा छिमित दैमखु, जि हे यँके जुल धका धया व-वालक
भतीना जक कयना फकीरजु बुया महाजनयागु छे पिहाँ वन ।

थव वेलस साहु व साहुनी निम्हस्यां सुन्दर बालक
फकीरजु बुया थःगुछे पित यंकुगु सोया अत्यन्त जुगं
मछिका सः हे सुक्क खोया, आः छुयाये न्हाको खोया
चवंसां उपाय मन्त, धिकार भीगु कर्म, भीगु कर्मया दोषं
हे थथे जूगु खः धका निम्ह तिपून् शोकयागु गाले कुतुवंका
इश्वरयागु नां कया मने धीर याना नये तोने याना मलीन
खा उर्वाका चोन जुल ।

थुलि साहु महाधनयागु खं जुल ।



थनंलि गोवर जन्म जुम्ह बालक नामकरण याःगु खँ ।

मेवधारी फकीरं थव बालक यँका जात कर्म, नामाकरण
याना (मचाबूव्यका, नां छुना) थव बालक गोवरं जन्म
जुम्ह जुया निति गोरखनाथ धका नां तथा तः धिक जुस्वलि
अनेक बिद्या शास्त्र ज्ञानगुण स्यनेकने याना शिक्षा दिक्षा
बिया, यन्त्र मन्त्र योगाभ्यासं पारंगत याना, हानं चोनेगु
थाय देश छगु दयका अन तथा अभिषेक बिद्या गोरखनाथ
कानफता योगी धका नां प्रख्यात याना ल मेवधारी फकीर
श्री करुणामय अन्तर्धान जुया बिज्यात ।

ततोऽसौ गोरखानाथो लोकेश्वराय वन्दनं ।

कृत्वा विहरति स्मृत्वा प्रहर च दिने त्रयं ॥

थनलि गोरखानाथ कानफता योगी श्री करुणामय लोकेश्वर
गुरुयात नित्य लुमंका सुथे, न्हिने, बः न्हि, न्हि सोक वन्दना
याना चोन ।

थुलि गोरखानाथ धका नामाकरण याःगु खं जुल

थनंलि गोरखानाथ नेपाले वःगु खँ

छन्हुया दिने गोरखानाथ न्हापा नारायणयागु अवतारे
गुणकामदेव राजायात वाया दुने जाकि दयकेत श्री करुणा
मय नेपाल देशे बिज्या केगु जि नं कोशीसयाय धका थैगु
खं लुमंका थुम्ह राजाया पुत्र नरेन्द्रदेव राजायागु चरित्र
सोये धका बिचाः याना नेपाल देशे चल, व वं नेपाल देशया
दशवी थ्यसेलि बजारै उखेंथुखें सोया जूगु बखते छगु थासे
मिसा छम्हसे पसः तथा मद्यपान (अय्ला, थव) मिया तोका
चोगु खन उगु पसके इहाँ वना खडिसुं कचोना सोया लिपा
थमंनं मद्यपान तोनेगु ईच्छा जुया वसेलि पसल्या मिसा
याके गोरखनाथ मद्यपान तोने धका फोन ।

हे केहें मद्यजु ? जि नं मद्यपान तोनेगु इच्छा जुल धेवा
घासा मडु छुयाय्, छं दया दुसा जितः नं तोनेगु व्यू ।

सुलि पसल्या मिसां धाल । हे परदेशी योगीजु, छिगु इच्छा दुये भपा दिसँ जि तौके । थये सुलि पसल्या मिसा धाःगु न्यना हानं कानफत्ता योगी, धाल । मयजु जि धाःसा कानफत्ता योगी आःपा नयेमा, आपाः तोनेमा, जितः सन्तोष उवीक छं तौके फुला ? सुलि पसल्या मिसां धाल । हे योगी कानफत्ताजु ? छि गुलि तोनेफु उलि सन्तोष मज्जुले जि तौके छि छुं धन्दा कया दिम्वा । थौं चछि थन हे वास यान दिस धका थुम्ह गोरखनाथ कानफत्ता योगीयात छगु कोठास बास बियालि वसुलि पसल्या मिसाया मती भालपु अहो आश्चर्य, थौं जि थव योगीयात मद्यपान सन्तोष मज्जुले तौके धका धायेधुन थव सुख, देवताला व भूत प्रेतला जि थवयात आत्मा सन्तोष उवीक तौके फौला मफौला आः जि गये याये धका धन्दा कया रात्रीस थः थान श्री गणेशया आस वना श्री गणेश आराधना याना एक चित्त पूजा याना ध्यान याना चोन ।

थव बेलस श्री गणेश प्रसन्न जुया आज्ञा दयकल । भक्ति मद्यपानया मयजु, छं जितः आपल भक्ति याना तःगु दु । छंगु भाव भक्ति खना जि खुसि जुया चोना, छं जितः छुं मने तथा पूजाया वया धा, जि पुरे यादा वी । थये श्रीगणेश आज्ञा जूगु न्यना सुलिनी मयजु धाल । भो गुरु गणपति श्रीगणेश जि छलपोलयात पूजाया वयागु मैता कारणस मखु, थौं जिगु छे मयङ्कर मूर्ति ग्यानापुसे चोम्ह कानफत्ता योगी छम्ह बासया वल, वं जितः थव अमल सन्तोष उवीक तौके फुला धका न्यन, जि कावाक तोना दिसँ, छित सन्तोष

मज्जुले तौके धका धया उकि आः जिगु मती तौके मफौला छुवे धका सँका जुया छलपोलया पूजायाना बिनित्या वया । भो गुरु श्रीगणेश! थव योगीयात सन्तोष उवीक तौके फयेक वर प्रसाद बिया बिज्याहुं ।

थव बेलस श्रीगणेशया मती थव योगी सुज्जी थवयोगु चरित्र सोये धका थःगु रूप तोता मनुष्यया रूप कया सुलिनी मिसाया पसले वन, स्वस्यलि नारायणया अंश गोरखनाथ कानफत्ता योगी थव सुलिनीवागु चलित्र सो वम्ह धका सीका लिहाँ वया नवनांग साधना याना सुलिनी थवं अयला वःघ स्थापना पति मद्यपान याना समानगु लघःघ पति विलि विलि जाय्क उत्पति याना सुलिनी मिसायात धाल । हे सुलिनी मयजु छं छुं धन्दा काय्मवाल हूँ छंथाय वैचोम्ह योगीयात वं तोने धातले तौकी छुं शंखा काय् मते, तर छं घः लह्यो ने मने, चीके मते थिना थिना जक का, छंगु मद्य घले बुँगाले लः बुया वःथं बुया वै, पा उवी मखु, जि माःगु जुगतियाय धुन लिहाँ हुं धका धाल ।

थव बेलस सुलि पसल्या मिसां श्रीगणेश आज्ञा जूगु वचन न्यना तथास्तु धका बिनित याना थःगु पसले लिहाँ वया अयला थवं तथा तःगु घले सोस्यलि घःघः पति अयला थवं भय् भय् बीक जाया चोगु खना धन्य धन्य श्री गणेश धका खुसि जुया चवन ।

थनलि गोरखनाथ कानफत्ता योगी चछि बास याना

कहे सुथे जस्यलि पसले वना धाल । हे सुलिनी मयजु जी
ला वयेधुन, छँ जितः अयला थ्व संस्तोष उवीक तोको
विस्तार याय् । मते, जि थ्वँ अयला जक तोनेगु इच्छा जुया
चवन, भति भति हानं जक तोना नं मगाः ।

थथे योगी धाःगु न्यना सुलिनी मिसां छिगु इच्छा पूर्ण
मज्जुले भपादीसिं धया दुने यँका छगू आसने पैतुका तःगोगु
बातास थ्वँ जायक तथा भपि धया न्होने तथा बिल ।

थ्व बेलस कानफत्ताजुं थ्वो मतोसि खलि सुँक चवना
धोस्यलि सुलि पसले मिसा हान धाल । भो योगीजु !
छाय सुँक चवना दिया, सुथनिसे थ्वँ तोनेव प्वा स्याई धका
ला, ख जा खः न्हापा अयलानि भपि लिपा थ्वँ भपि धका
अयला नं तःगोगु बाताचय् बिलि बिलि जायक तथा भपि
भपि धया चवन ।

थनंलि कानफत्ताजुया मती थ्व मिसां अयला थ्वँ वी हे
मपेक तोनां तोने धका निपा ल्हाति बाता उवना मिखां
तिसिना सास हे मल्हासे धुतु धुतु तोन । थुगु तालं लिखा
काकां तथां चोन, तोनां चोचौं न्हिछि तक तोना नं व सुलिनी
मिसां भपि-भपि धाधां अयला थ्व हयां खोगु खना आपालं
हे तोने धुस्यलि थःथे थमं मछाया धाल । हे सुलिनी मयजु
गात-गात गुलि तोने, छ धःय खः, बहुत संस्तोष उवी धुन ।
थथे कानफत्ताजुं धाःगु न्यना सुलिनी मयजु हान धाल । हे
योगीजु ! आः भक्तीचा भपादिस थौं भाया हानं गबले भाई ।

कानफत्ताजु धाल । हे केहेँ मयजु, गात-गात जि दने बले
धेधे च्वी थें चोने धया दना पला छिना सोत धाथे हे धेधे
चुल, अले न्हिला-न्हिला धाल हे मयजु, अप्पो धेगु छुँ हिसि
मदु, नां नं कानफत्ता ज्या नं कानाफत्ता उवीगु जुल । छ खना
जि अति खुसि जुल, छन्त जि वरदान वी । छं थाय थ्वँ
अयला त्वं वः पि फुक मोह जुया छकः व म्ह बराबर मवस्य
मफयमा, आपाः गाहा दयमा, छंगु लाथ् या प्यदेगं लाभ
उवीमाः । थुलि वरदान बिय मफु वदु पला छिना धे धे च्वीका
वन मती चिन्तना यात ।

अहो आश्चर्य ? थौं जि गुलि जक अमल तोन उवी,
न्हाको त्वंसां थ्व मिसां त्वका हे चोन, थ्वँ छु जक जनत
याना तल उवी, गुलि जक मद्यपान दयका तल उवी. थ्वयागु
भण्डार छक सो हे धका गुप्त रूपं हानं पसले वना
धकी नं खुया तःगु पर्दा उला द्दहाँ वना सोत ।

थ्व बेलस नवनागं घले हिना मद्य बढे याना च्वंगु खना
मनं मनं धाल ।

अहो ? थ्व मिसां थथे नवनाग साधवा याना तः गुलि
धका धाक्-धाक्क मद्य तोके फत धका थुलि बिचार याना
आपालं मद्यपान याः गुलि स्तमोगुणया प्रभावं क्रोधयः अग्नि
पिकया गुड नागराजायात नं सनेहे मफयेक मन्त्र चिना
थम ज्ञोना सुनानं मखक पिहाँ वया मृगस्थली वना
नवनागराजापि आसन याना क्वातुक पैतुना कानफत्ता रूप
गोरखनाथ योगी स्थीरासनं तपस्या यात ।

थनंनिसे नेपाले जल वृष्टि मजुया सकलया हाहाकारं
दुःख जुल ।

थुलि गोरखनाथ कानफत्ता योगीघागु खँ जुल ।



थनंलि खवप देशया नरेन्द्रदेव राजायागुखँ ।

नेपाले जल वृष्टि मजुसेलि देशबासी प्राणि सकलया
नयेगु तोनेगु छुं मदया हाहाकार जुया दुःख जुल ।

थनंलि देशबासी प्रजागणपि सकले मुना नरेन्द्रदेव राजाया
थास वना विन्ति यात ।

भौ राजन भौगु नेपाले देशस जल वृष्टि मजुगुलि सकल
लोकया हाहाकार जुल । आः गथे याय्, छपाय माल छलपोलं
विचार याना बिज्याहुँ । गथे प्रजागणपिसं विन्तिया वगु
न्यना राजाया मनस धन्दा कया आज्ञा दयका बिज्यात ।

हे प्रजागणपि, न्हापा--न्हापा जल वृष्टि मजु बले छु छु
उपाय यात, छु याना जल वृष्टि जुल । छुं छगू मजुवीकं गथे
भवस्य ज्वी मखु । भौगु देशयापि वा मेगु देशयापि स स्यूपि
गुरुपि निमन्त्रणा याना देव-देवतापिनिगु पाठपूजा याका शान्ति
स्वस्ति याकी, उकियात माःगु खर्च यकी धका खर्च विया
छोया देव-देवीपिनिगु पाठपूजा याका शान्ति स्वस्ति
याकल । अथयनं जल वृष्टि मजुसेलि हाल प्रजागणपि राजाया
थास वना विन्ति यात ।

भो राजन् ! छलपोलया आज्ञा थें स स्यूपि गुरुपि तथा
पाठ-पूजा शान्ति स्वस्ति याका नं छुं उपाय लगय् मजु, वा
मजुगुलि घाँजामा हे बुया मवल पशुपंक्षि इत्यादि प्रजागणपि
नये तोने मखना आपालं सिना वन । देशे तत्त्वोक हे हाहाकार
मचे जुल । भो राजन् ! न्हापा छलपोलया वौया पाले नं गथे हे
जल वृष्टि मजुया हाहाकार जुस्यंलि सर्वज्ञ गुरु श्रीशान्तिकर
ब्रह्माचार्ययागु शरणे वना वसपोलयागु उपदेश पुर्दक ज्या
यासेलि जल वृष्टि जुया सकल लोक उद्धार जुल धका वृद्ध
वृद्धीपिसं धाल । आः नं गथे हे याये माली ला छु ? भो प्रभु !
गथे अनावृष्टि जुया अनिकाल जुसेलि सु जक वचे ज्वी घी,
सकलें मृत्यु जुया वनी । छलपोलं बाँलाक विचार याना
बिज्याहुँ । गथे पुयार्वार प्रजाघणपिसं विन्तियावःगु खँ न्यना

राजाया मनस भालपु । हे दैव आजि गथे याये, विनां जल वृष्टि मज्जीकं अन्नवस्तु दैमखु, अन्न मदकं लोकपि प्रतिपाल ज्जी मखु । आः थथे चोना मजिल सर्वज्ञ गुरु श्री शान्तिकर बज्राचार्ययागु शरणे बना वसपोलयाके बिन्ति याना उपदेश कया, शान्ति स्वस्ति मयास्ये जल वृष्टि ज्जी मखुत धका मर्ती चिन्तना याना, मन्त्री सहित प्रजागण पित्त आज्ञा दयका बिज्यात ।

हे प्रजागणपि ! आ, भीगु ख देशस जुगु दुर्मिक्ष शान्त यायत न्हापा शान्ति याना बिज्याहु सर्वज्ञ गुरु श्री शान्तिकर बज्राचार्य विना मेपिस फेमखुत । अथय कारणे भीपि सकल गोपुच्छ पर्वते श्री शान्तिकर गुरुया थासे वनेनु धका सहहा याना, राजा मन्त्री सहित सकल प्रजागणपि मुना गोपुच्छ पर्वते बना, न्हापा श्री स्वयम्भू ज्योतीरुप बुद्ध दर्शन यान स्त्रोत्र पाठ पूता याना, अनलि शान्तिकर बज्राचार्यया अग्रसा बना आदरभाव सत्कार पूजामान्य याना नमस्कार याना, राजा मन्त्री सहित सकल प्रजागणपिसं छत्राख्यरं चाःउला ख वेल्स श्रीशान्तिकर बज्राचार्य नरेन्द्रदेव राजायागु ख्वाः सोया आज्ञा दयका बिज्यात ।

भो महाराज नरेन्द्रदेव ! थौं अकस्मात छलपोल थन बिज्यात, छुया कारणे बिज्याना ? आज्ञा दयका बिज्याहु । थथे श्रीशान्तिकर बज्राचार्य गुरु आज्ञा दयका बिज्यागु न्यना राजा मन्त्री सहित सकल प्रजागणपिसं चिन्ति याना धाल ।

भो सर्वज्ञ महागुरु शान्तिकर बज्राचार्य ! जिपि थन वयागु मेत्ता कारणे मखु, भीगु देशस जल वृष्टि मज्जीक दुर्मिक्ष जुया

सकल लोकपिनि नयेगु तोनेगु छुं मदया हाहाकार जुया महादु ख कष्ट नया मृत्यु जुया वन । भो प्रभु ! ख दुर्मिक्ष शांतयाय धका अनेक देवतापिनेगु पाठ पूजा याका शांति स्वस्ति याके धुन अथे नं छु भतिचा हे सीमदु । भो करुणात्मा दैव तुल्य जुया विज्याह्य सर्वज्ञ महागुरु ! छलपोल सकल लोकयागु उपरै दया तथा याकनं जल वृष्टि ज्जीगु कर्म-कर्म शांति स्वस्ति यायगु उपाय आज्ञा दयका बिज्याहु । थथे राजा मन्त्री सहित सकलन्यानं चिन्तियागु न्यना श्री शान्तिकर बज्राचार्य राजायात आज्ञा दयका बिज्यात ।

भो राजान् ! छलपोल यायगुं दको पाठ-पूजा शांति स्वस्ति याके धुंकल, अथयनं जल वृष्टि मज्जी छाय धाःसा उकीया कारण छगू दु । ख खं जि कने न्यना बिज्याहु ।

भीगु नेपाल देशे श्रीकरुणामयया शिष्य, नागोयणया अंश, गोबरं जन्म जुया गोरखनाथ धका प्रसिद्ध जूहः कानफता योगी छम्ह वया, मृगस्थली बना नवनागराजापित्त आसन याना तपस्या याना चन, उकिं जल वृष्टि मज्जुल । विनां ख गोरखनाथ योगी दना मवेकं न्हाको शांति स्वस्ति यासां जल वृष्टि ज्जी मखु । थथे गुरुया आज्ञा न्यना हानं राजा बिन्ति यात ।

भो गुरु सर्वज्ञनाथ ! ख योगी थनाछोयेत छु उपाय यायमाली चिन्तिभाव याना जीला अथवा बलात्कारं शस्त्रास्त्रा कयना ख्याना जीला, छु जत्तन यासा दना वनी ? थथे धका राजां चिन्तियास्यलि हानं श्रीशान्तिकर बज्राचार्य आज्ञा दयका बिज्यात । भो राजन् ! ख श्री करुणामयया शिष्य गोरखनाथ

योगीयात भीसं विन्तिभाव यासां बलात्कार यासां शस्त्रास्त्रा क्यना ख्यासां हेकूसां विनां श्री करुणामय लोकनाथ नेपाल देश मविज्याकं दना वनी मखुत । अथवा कारणे थव योगी-यात भनेत श्रीकरुणामयया अंश लोकनाथयात थन नेपाल देश हयगु ज्या याना विज्याहुँ । थये गुरु श्री शान्तिकर बज्राचार्य आज्ञा दयका विज्यागु न्यना नरेन्द्रदेव राजां भिखास खोवितया विन्ति यात ।

भो गुरु ! थव जा त थंगु ज्या जुल । श्री लोकनाथ थुगु समये गन विज्याना चोन, बसपोलयात थन नेपाले सुनां हेगु, गथ्य यायगु धका विन्तियासेलि शान्तिकर गुरु आज्ञा दयका विज्यात ।

भो राजन् ! हताय चाया विज्याय मते, श्री लोकनाथ थौकन्हे कामुनी धैगु क्षेत्र २४ गू कोटि यक्षगणया राजा शशी धैमह यक्षराजया स्त्री आपाल पुण्य दुम्ह माया धैमह यक्षणीया ५०० म्ह काय पिनि मध्ये दकसिवे ककालिमह काय जुया बाल लीला क्यना च्वन । बसपोलया प्रभावं व कामुनी क्षेत्र सुथे वा पिनागु न्हिने पाके जुया अन्न नयेत प्रशस्त दया व देशवासी सकल लोकया सुखआनन्द जुया चोन । थवहे श्रीलोक-नाथयात जतन याना थन नेपाल देश विज्याकेव थव गोरखानाथ योगी दना वनी अले तिनी जल वृष्टि जुया अन्न इत्यादि नयेगु तोनेगु प्रशस्त दया सकल लोकया मन आनन्द जइ । थये शान्तिकर गुरुया आज्ञा न्यना हानं नरेन्द्रदेव राजां विन्ति यात ।

भो सर्वज्ञ गुरु ! कामुनी क्षेत्र धैगु गन, गुगु दिशाया सुनां स्यू गथे याना वने सुना बोना यंकी, न्हागु जतन यानानं श्रीलोकनाथ

यान विज्याके माली थथे अनावृष्टि ज्वीका प्रजाया दुःख जुगु सोथा मयासे जि राजा जुया चोनां लुयाये, जित सकसिनं पुँ जतन महापापिह्व राजा धका मधाइला । भो गुरु ! बसपोल लोकनाथ थन विज्याकेगु ज्याय कृपा तथा विज्याहुँ । थथे नरेन्द्रदेव राजां विन्ति याःगु न्यना श्री शान्तिकर बज्राचार्य जि विचार याना सोये धका धया ध्यानागार (शान्तिपुर) स त्रहौ विज्याना जातिस्मरण धगु समाधि योगस चोना ध्यान याना न्हापायागुपूर्व जन्मया ख दको लुमका ध्यानागार शान्तिपुर) प्यहाँ विज्याना राजायात आज्ञा दयका विज्यात ।

भो राजन् ! श्री लोकनाथयागु खँ न्यना विज्याहुँ । न्हापा जिगु पूर्व जन्मस हासपीठदोल धगु थास (थौकन्हे म्हेपी दोँ धाह) अत पीठे वना जि यागुश्वर श्रीयोगास्वरयागु सेवा याना सिद्धिया लागी बखत-बखते पुरस्करणादि नं चोना, थुगु प्रकारं न्हिथ वना सेवा याना चोना । छन्दु जिहि काय १०६ दुम्ह मचा जिगु ल्यूल्यू वःगु मखना । जि पीठेश्वरी मातृका देवीपिन्त यकचितं पूजा याना ऋद्धि सद्धि फोना चोना । थव बेलस पीठेश्वरी मातृका देवीपि प्रकट जुया धाल । हे महापुरुष ! छंगु भाव भक्ति पूजा खना जिपि कृताथ जुल थौं छत वरदान बीगु दिन, छं जिमित भोग हिंसा) व्यू । थथे मातृका देवीपि प्रकट जुया भोग व्यू धागु न्यना जि विन्ति याना । भो श्वरीपि ! क्षमा याना विज्याहुँ, जि हिंसा कर्म मथाना । थन पसुत न मदु, जि सु भोग बिये, क्षमा याना विज्याहुँ । छल-पोलपिके जिगु सहस्रकोटि बारंबार विन्ति धका विन्ति याना चोना ।

(२८)

बुँगयो नेपाले हःगु ख

हानं देवीपिसं आज्ञा जुल। भो मानव। थौं छं जिमिस भोग मविसं मज्यू, आम छं लिउने चोम्ह भोग व्यू। थथे धागु न्यना लिफ स्वयावले थः हे काय् लिउने चोना चोंगु खन, छुयाय छुयाय जुल खोया विंति याना। भो इधरीपि! क्षमा याना विज्या ह, जि दत्त फत्त थव हे याकः काय् छम्ह दु, जि गथे याना भोग बागु।

पीठ देवता पिसं आज्ञा जुल। भो मानव! आम मचा छ पुत्र मखु, साक्षात् श्राकरूणामयया अवतार खः। कालान्तर नेपाल दशे विज्याना जगत उद्धार यायुत पुसा जक त विज्याम्ह खः छं सीकि। काय् धका हाला चोने मते, जिमित भोग व्यू। जिमिस ला, हितक भोजन यायगु केँ जक थवहे पीठे थुनांता कालान्तरस थव हे केँ यागु पुसा कया श्रीलोकनाथयागु मूर्ति दयका नेपाल दशे रथ यात्रा गुई तिनि। अले थव नेपाल दशे सदां सुभिक्ष जुया अन्न वृद्धि उवी, अले सकल लोकपिनि महाआनन्द सुख उवी।

थव रथ यात्रायात सु अज्ञानि हेल्ला याइ उम्ह आज्ञानिया आयुर्दा छिन्न उवी, हानं मेगु जन्मे नं महदुःख उवी। थथे मत्तका देवीपिस धागु ख न्यना जि विन्ति याना।

भो मातृका देवीपि? अथे जूसा जि छुयाय लोक रक्षाया लागि कया विज्याहुँ धका याकः काय् भोग बिया।

थवबेलस मातृका देवीपिसं ला हि जक भोजन यात थव जक जि नमस्कार याना अन हे पीठे मभिस थुना गुप्त याना हानं विन्ति याना। भो मातृका देवीपि जि पुत्र गबले दर्शन-

याय दइ? देवीपिसं आज्ञा मजू दुने विज्यानाचोम्ह श्रीयोगी मय्यं आज्ञा दयका हल।

हे मानव! कालान्तरस छं शिष्यं श्री लोकनाथ थन नेपाल मण्डल विज्याके। अले छ दर्शनयाय् दइ? थन वा धका आज्ञा जुया जित अष्टसिद्धि वर प्रसाद बिया विज्यात। थुलि गुरया आज्ञा न्याना राजाया मनस हर्षोत्सुक याना मुसु मुसु हिला विन्ति यात।

भो गुरु! अथ्यजुस्यलि थुगु कार्यस विलम्ब याना विज्याय मते, माक धन खर्च यायगु भाल जिगु जुल। श्री लोकनाथ थन विज्याकेत छुछु याना विज्याय माःगु खः व दक्क छलपोलं तत्कारणं याना विज्याहुँ। थथे राजाया वचन न्यना गुरु शान्तिकर वज्राचार्य यै देशे च्वंम्ह थः शिष्य बन्धुदत्त वज्राचार्य-यात सःतके छोट।

थनलि बन्धुदत्त वज्राचार्य वया गुरुयात नमस्कार याना विन्ति यात।

भो गुरु! जितः छाया सःतके हे विज्यानागु जि छु याय भाल आज्ञा दयका विज्याहुँ। थथे थः शिष्य बन्धुदत्त वज्राचार्य विन्ति यास्यलि गुरु शान्तिकर वज्राचार्य आज्ञा दयका विज्यात।

हे शिष्य बन्धुदत्त, छ व राजा निम्ह कामुनि क्षेत्रे घना शशी घेम्ह यक्षराजाया ५०० म्ह काय् पि मध्ये दकले बीधिकम्ह ३२ स्वीनिता लक्षण पूर्ण जुया लोक उद्धार याय या कारणे यक्षया कुले जन्म जुया विज्याम्ह श्री करूणामयया

अंश लोकनाथयात बौद्ध तन्त्रराजेश्वरया सिद्धान्त नामा
प्रकारया ऋद्धि पिकया शान्ति स्वस्ति याना यक्षगणपित
सन्तोष याना वसपोल लोकनाथयात थन भीगु नेपाल देशे
विज्याके माल। थव ज्याय् छ विना मेपिसं फेमखु उकि छन्त
सःतके हया। थथे गुरू धा गु वचन न्यना बन्धुदत्तया मतीं
विचार यात। अहो देव, थव ज्या ला चीथगु मखु तःथगु हे
जुया च्वन। ह्या धाय् ला धाःसा गुरूया वचन लघनां यायगु
जुल। न्याः धाय् ला धाःसा वने फे वा मफे, ध्यानं छकोनि
सोये धका गुरूया ध्यानागारे द्रह्मा वना जातिस्मरण धयागु
समाधियोग यास्यलि न्हापा पूर्व जन्मयागु खँ लुमना वल।
गथ्य धाःसा; अहो जिला न्हापायागु पूर्व जन्मस कपिल
थेगु देशे विश्व धैम्ह वाम्हण जुया शास्त्र पारंगत जुया
बुद्धयागु ज्ञाने चोना नेपाल मण्डलस वया श्री स्वयम्भू
श्री गुह्योस्वरी दर्शन याना तीर्थ सेवा पीठ सेवा याना
शमशान पति चाःहिला योग ध्यान याना अष्टसिद्धि लाना
ओदियानाचार्य थैगु नां प्रख्यात जुया लिपा कच्छेपाल
पवंतस स्थीरासन चोना तपस्या याना बले वरुन्धरा देवी
विज्याना दर्शनबिया बिज्यात, हान क्षितिगर्भ बोधिसत्त्व
विज्याना घाल छं लिपाया जन्मस गुरू जुया थःगु ऋद्धि
प्रकाश याना लोकनाथ श्री आर्यावलोकितेश्वर करुणामय
थुगु नेपाल देशस बिज्याके मानी, वसपोलयागु रथ यात्रा
दयका सकल लोकयाँत कयना देशोउपद्रव बिघ्न दक मदयका
सम्पूर्ण ज्या सिध्द ज्वी व उगु समये छ श्री करुणामययागु
शरीरे लीन जुया निर्वाणपद हुँ धका जितः थुलि खँ अज्ञा

वयका लोहते लीन जुया बिज्यात। थौं या अद्यापि चोभाले
बिकमेश्वर थैगु बैतराग दनी। आः जिगु भाग्य थगु जन्मस
सावंगु मौका वल, जि तरे ज्वीगु अवस्था ध्यन धका पूर्व
जन्मयागु खँ लुमंका मने हर्ष मान याना ध्यानगारे दना प्याहाँ
वना गुरुपात विन्ति यात।

मो गुरू छलपोलया आज्ञा निश्चय नं यायगु जुलः नरेन्द्रदेव
राजा नाप वप्ता श्री लोकनाथ थन नेपाल देशे विज्याकेत जि
वनेगु जुल। थथे धका बन्धुदत्त विन्तियागु न्यना शान्तिकर
गुरू आज्ञा दयका बिज्यात।

हेवत्स बन्धुदत्त! मिगु ज्याय् आमध्ये शुभा जुयमा, छंगु
ऋद्धिसिद्धि प्रकाश याना हुँ, थुलि धया हान राजायात धाल।
मो राजन नरेन्द्रदेव, आ थुगु ज्याय् विस्तारयाय् मने
बन्धुदत्त गुरू चोना वनेगु स्वः। थथे गुरूया वचन न्यना
बन्धुदत्त वज्राचार्य, नरेन्द्रदेव राजा थुगु ज्याय् जिपि वनेगु जुल
धका विन्ति याना अन वनेत मा-गु सकतां न्यना कना बन्धुदत्त
छँ लिहां वन। राजा नं मन्त्री सहित प्रजागणपि सकल मुंका
लिहां वया थः स्त्री रानीयात थुगु खँ कना हान मन्त्री प्रजा-
गणपित माक ख लहाना अन्हे पन्हे याना सुवर्णया कलशादि
पूजाया अनेक सारदाम माक्को जोरे यानालि ख्वप देशया
नरेन्द्रदेव राजा यँ देशया बन्धुदत्त वज्राचार्य, यल देशया थःगु
पूजा याना चोम्ह रथचक्र किसानि निमन्त्रणा याना
क्रामुनी क्षत्रे वनेत मिगु शुभ दिने बन्धुदत्ता वज्राचार्य गुरू
याना, नरेन्द्रदेव राजा जजमान जुया, रथचक्र किसानि
परिया याना थुपि स्वम्ह स्यां स्वस्ति मङ्गलयाना सगंकया

श्री गुरु शान्तिकर वज्राचार्ययाके बेला कावन ।

थ्व बेलस गुरू शान्तिकर बाज्राचार्य थुपिं सोम्हं स्वस्ति मंगल याना वःगु खना थुमित आशीर्वाद बिया बिज्यात । हे शिष्यपिं, छिमिगु ज्या तत्कारण सफल ज्वीमा, विघ्नो-पद्रव दक नाश जुया दुष्टजन सुनानं छुं याय् मफ्य मा तन्त्रराजयागु सिध्दिया बलें याकनं श्री लोकनाथ दर्शन याना थन नेपाल देशे हया रथ जात्रा दयका क्यने फयमा, सकलया जय जय ज्वीमा ।

थथे गुरू ब्यूगु शुभाशीर्वाद फया सोम्हसिनं तथाऽस्तु धका गुरूया चरणस प्रणाम यानालि श्री त्रिरत्न स्मरण याना, लोकनाथ नेपाले हयेत कामुनि क्षत्रे वने धका प्रस्थान याना वन ।

थनलि वचं छगू पर्वतया चोसं थ्यन उगु शास कर्कोटक नागराजा मनुष्यया रूप कया लेंया दथ्वी देना चोन । थ्व बेलस जुजुं महापुरुष छम्ह लेंपु पना देना चोंगु खना धाल । भो महापुरुष, दं जिपिं वनेत लें मत्तीचा चिलाव्यु, थथे सोकः प्यक, तक धालनं व देना चोम्हस्यां छुं नं मथाः लें न चिला मव्युसीलि जुजुं तंपिकया हानं हका धाल, अरैरे मार्ग बन्धक, छ सु ? लें वने मत्यो धका मस्यूला, छं गह्येपनं मनाला छु ? छत सोकः प्यकः धाय धुन छुं हे मथाः लें नं चिला मव्यू, जिपिं तःधंगु ज्या वनेत वयापि लचिला वीगु खःसा ब्यू मव्यूसा वालात्कारें जिमिसं थने । थथे राजां हका धाःगु न्यना महापुरुष बाथाक दना मिखा ततः गो ज्वीक कना जुजुया छ्या तुं क स्वया तमं धाल । हे पुरुष, छं

जितः म्हस्यूला छं स्वया सुथे चों, चलात्कारें छु याय फु काया, छिपि थुगु लेंपुं वैगु कारण छु जिलः चिला वीमखु । थथे महापुरुषया क्रोध वचन न्यना जुजुं हानं धाल । भो महापुरुष छि सुज्वी, जिमिसं मस्यू, जिपिं थुगु लेंपुं वैगु कारण छाय धाःसा थन नेपाल देशे जल वृष्टि मजुया सकल लोकया महादुःख जुल, उकीं श्री लोकनाथ थन नेपाल देशे बिज्याका सकल लोकयात उद्धार थायेया कारणे कामुनि क्षत्रे वने धका थुगु लेंपुं वया । थथे जुजुं धाःगु ख न्यना व महापुरुष तम तमं हानं धाल । हे पथिकत ! थ्व नेपाल देशया जिगु जग्गा थुका छिमिसं श्री लोकनाथ हया गन बिज्याके त्यना ? जिगु जग्गाय लोकनाथ बिज्याकेत जिंके न्यने म्वाला ? थुगु लेंपु छोये मखु, लिहां दुं, मखुसा छिमिगु प्रान वनी । थुलि धया थःगु स्वरूप कर्कोटक नागराजायागु रूप धारणा याना अति भयङ्कर तःधिक जुया फणाकया कुई कुई सासः पिकया चमि च्वाला च्वालां लुया चोन ।

थ्व बेलस व भयङ्कर मूर्ति नागराजायागु रूप खना जुजु व भरिया निम्हें त्राहि जुगा ग्याना म्ह थरर खाका लिचिला छुये अलग चोना श्री लोकनाथयात लुमंका चोन ।

थनलि बौद्ध तन्त्रराजेश्वरया महाप्रज्ञा गुरू भन्धुदत्त वज्राचार्य धाल । भो भुजङ्ग, कर्कोटक नागराज ! हे मस्व क्षेमस्व, कोप याना बिज्याय मते, जिपिं छलपोलयाके न्यनेत हे थुगु लेंपुं वयागु खः, छपिं बहुरूप छपिं खना जिपिं त्राहि त्राहि जुल न्हाचः धासा मनुष्यया रूप जुया देना बिज्यात; आः धाःसा नागराजाया रूप जुया तःधिक जुया विज्जात । हानं

वीथिक जुइकु धागुनं न्यना तयागु दु । धन्य धन्य जिमिगु भाग्य छलपोलयागु वासस्थाने वने स्वायक थन हे जिमिसं दर्शनयाये दत्त । भो कर्कोटक नागराज ? आः जिमिसं छल-पोलयागु तःधिकगु रूप दर्शन यायधुन, वीथिकगु रूप दर्शन यायमधुनि छलपोल महावीरम्ह खः छलपोल जिमित वीथिकगु रूप दर्शन बिया बिज्याहुँ । थथे बन्धुदत्त वज्राचार्य धागु वचन न्यना कर्कोटक नागराजां फकोन वीथिक जुया सँगुप्रमाण जुया वयन । उगुसमये बन्धुदत्त वज्राचार्य मन्त्र सिद्धियागु बलं काचाक जोता तमनांचा वत्ता छपलेतया ताडन तया कुना यन । थवेल्स कर्कोटक नागराजा वीरजुसां छुँ याय मफया तमनां वत्ताया दुनेचोना बिलापयाना घाल । धन्य धन्य मनुष्ययागु बुद्धि जिथिजाम्ह नागयात छुँयेयाना कुना बिल, छलपोल थुजोम्ह धका जि सिलः नि तिर्यक जाति अहंकारी जुया थुगु कष्ट नयमाल, जि सासः कुना सीन, जित सास्तियायगात पुसा उला बिज्याहुँ जि छलपोलया दास जुल, पृथ्वी सत्य, आप सत्य, अग्नि सत्य, वायु सत्य । आकाश सत्य छपिसं धाःथे जि चोने । थथे नागराजां सत्य वाचायाना धाःगु न्यना बन्धुदत्त वज्राचार्यया करुणा वना ताडन लिक्का पुसाउला भूमिस तया बिल । नागराजा वत्तां पिहांवया थीकगु रूप जुया विन्तियात । भो गुरु ? धन्य छलपोल खना जिगु मने त्रासजुल, श्रीलोकनाथ काःवनेगु व्याय जि नं मदत बी, जित नं बोना यंका बिज्याहुँ थथे नागराजायागु वचन न्यना बन्धुदत्त वज्राचार्य खुसिजुया सुवर्णया कलशे त दहन तीर्थयागु लखं पूर्णयाना नागराजा यातनं तया चोने स्वानं तोपुया रथं चक्र भरिया यात घाल ।

हे रथंचक्र ? छं थव कलश गोत्वीके मते वांलाक बिचाःयाना कोविनानु धका थुलि धया नाग राजा सहित थुपि अन प्रस्थानयाना वन ।

थनं लि ले ववं जजु व भरिया निम्हस्यां मती अहो थव गुरुजा सामान्य मनुष्य मखुं खनी धन्य धन्य गुजोगु पुरुपार्थ गुजोगु तन्त्र मन्त्र यागु ऋद्धि सिद्धि दुम्ह धका मने खं ल्हाना ववं शिला नदी थ्यन । थवेल्स जुजु थव नदि यागु स्वभाव सीका गुरुयाके विन्ति यात ।

भो गुरु ? भीपि थन वैगु ज्या व्यर्थ गुल, छायाधासा थव नदी पारयाना वनेत तापु महु, लखं वने मज्यू आः गथेयाय ?



थथे जुजुं विन्ति यासैलि गुरू बन्धुदत्त बज्राचार्य कलशो-
चौम्हनागराजा पिकया आज्ञादयका विज्यात ।

भो नागेन्द्र ? जुजुं धागु खँ सिल मखुला, भीपिं थव
सिला नदी गथेयाना पार वने ? थनयागु उया छपिसं याय
मागु जुल । थते गुरूया आज्ञा न्यना कर्कोटक नागराजां
गुरू व राजायागु खा सोया थुगु नदी जि तरैयाना बी
छपिसं छुं धन्दा के विज्याय स्वा धका थुलि धयालि अती
तथिक जुया वारी न्हिप्यनं चुया फणाकया तिहुया पारी
शिरं चुया थगु म्हे लखं मथीक ताछागा तथगु तापुथे
चौक यिता थितास चुया धाल ।

भो गुरू ! छपिं राजा, रथचक्र सहित जिगु म्हेस न्हुया थुगु
नदी पार तरैयाना विज्याहूँ । थथे नागराजा घासैलि गुरू
राजा भरिया, सोम्हं नागराजायागु म्हे न्हुया थुगु सिला-
नदी पार वन ।

थनंलि नागराजां थगु न्हिप्यं पारी प्वीका काःबले
न्हिप्यंया चोका छकू नदी दुना लोह जुया तोथुला कुतुंवन,
अनंतिसं व नागराजाया न्हिप्य थुया जुल । अले व नाग-
राजां थगु न्हिप्यं थुया जूगु खना आवलि नागराजा धाक्या
जिथे न्हिप्यं थुया ज्वीमाधका थथे प्रतिज्ञा यात । उर्का
नागराजा धाक्या न्हिप्यं थुया जुल ।

थनंलि प्यम्हं सिला नदी पार तरै जुया थनं नं प्रस्थान
याना वं वं कथ नं कामुनी थैगु देशया समीपस (कामरूपी
थैगु पीठस) थयसैलि प्यम्हं छगूःथासे विश्राम याना आः
भीपिं थन राक्षसया देशे थन, आः थव देशे द्राहां वनेत छु

जत्तन याना वने, थव देशवासी राक्षसगणपित्त छु याना
घोघयाय धका जूजं सहहा साहुती यात ।

थव वेलस गुरू बन्धुदत्त बज्राचार्य जजुयागु सहहा
साहुति वचन न्यया आज्ञा दयका विज्यात । हे राजन् !
छलपोलं छुं धन्दा कया विज्याय मते जि जत्तन याना
राक्षसगणपित्त नयगु तोनेगु—लोभ क्यने अले भीगु बशे
वं । प्राणी धयापिं सकलें नयेगु तोनेगुली भुले जुया चोन ।
उर्को पसुगणपिं शृष्टि याना थव राक्षसगणपित्त नकेगु तौकेग
जोना वने धका थया स्वाः छगः कया मिखा तिसिना मन्त्र
बोना लहाः वोवोस्याना गिलि गिलि याना हाकुतिना भूमिस
वांछोया बिल, तुरून्त द्रुलि दुगु शृष्टि जुल । हानं स्याबजि
छगः कया अथ्य हे याना वांछोत, द्रुलि फे शृष्टि जुल, हानं
माय् छगः कया अथ्य हे याना वांछोत, म्ये द्रुलि शृष्टि
जुल । थुगु प्रकारं ३००० सोदो पसुत शृष्टि याय थुंका
कर्कोटक नागराजायात आज्ञा दयका विज्यात ।

भो भुजगेन्द्र ! छलपोल सूक्ष्म रूपं वना राक्षसगणया राजा
शशी धम्ह यक्ष राजया शरीरं प्रवेश जुया रोग उत्पत्ति याना
व्यु धका अहो यात । नागराजा गुरूया आज्ञार्थ्य वना शशी
यक्ष राजायागु शरीरं प्रवेश जुया शूलया रोग उत्पत्ति याना
बिल । थवेलस शशी यक्षराजायात शूलया रोग पीडा जुया
प्याः स्यागु सहयानां सहयाय मफयां द्वारा द्वारातुला के के
तुतु छुं हालेगु समर्थ मन्त्रया खा वँचुसे चौका चति सो
सो वयेका बराबर मूळां जुया खाउँहे चाना थथेहे प्राण
वनोम्ह तुल्य जुया चोन ।

उगु समये यक्षराजाया सेवकपिसं अनेक सः स्यूपिं वैद्यत

सःता हल, अले व वःपि बैद्यतसें श्रीपञ्चरक्षाया विधानं न्हापां
 (देवचिकित्सां) तन्त्र-मन्त्र प्रयोगयाना लः जपा भारेयात, लुं
 सीमदु । हान (नाग चिकित्सां) हिती, तूथी, खुसी, बुं गाले
 पुखुली, देवालये पर्वा हायकेबिल. अथ्यनं लुं सी मद् । हानं
 आसुरी निकित्सा धाय (दैत्य चिकित्सा) शरीरेमुल् सुया
 हि लिकया, प्वाथे दुने घाः जुल, कै वल धका खि, चो परीक्षा
 याना वास यात, भन् रोग बढेजुया जुया वल । हानं
 (मुनि चिकित्सां) अनेक जडीबूटी मिले याना कांढा चुर्ण-
 रसादि आदि वासः नका, तोंका घ्यो, चिकं वासः व्वीका सोत
 अथ्वनं रोग लुं सी मद् । हानं [भूत चिकित्सां] चोकाबजि,
 कः, लाभा, छाः, सों ला, हि, दुरू, धौतया पिखालखुस, छ्छासे;
 खुसी बौतयकल, अथ्यनं रोग शान्त मजू । हानं (प्रेत चिकित्सा
 सीकयागु दोषं जुल ज्वी धका खुसा बौ तया को, खिचा यात
 नका सोत, अथ्यनं रोग लुं शान्त मजू । हानं (राक्षस
 चिकित्सां) जा थुया भ्यगते तया व्ब्ये, न्या, ला, हि, धौ, लः
 सहित तया प्यांगू लपुया दुवाते, श्मशाने बौ तयके छोट.
 अथ्यनं लुं भतीचाजकहे रोग शान्त मजू । हानं डाकिनीयागु दोषं
 पर दोष जुल धका छे छ्छां ध्रुप यना ताडनतया प्वाथे भारै यात
 भन् भन् रोग बढेजुया वल । हानं सःस्यूपि ज्योतीष क्यना
 नवग्रह फायका इष्ट देवता आदि पूजायाना शांति-स्वस्ति, पाठ-
 पूजा, होमक्रिया याना कुमारी मच त पूजा याना भोजन याका
 सन्तोषयात, अथ्यनं रोग भतिचाजकहे कमला भन् भन्
 बढेजुया वगु खना शशी यक्षराजाया स्त्री मायाराक्षसी आदि
 वया जाहानपि सकल यक्षगणपिनि मने त्रासजुया आः

लुयाये ध्व रोग लायि मखुत अवश्यनं मृत्यु ज्वीगु जुल धका
 धन्दाकया चोन ।

थुगु बखते बन्धुत्त गुरु, नरेन्द्रदेव राजा, रथचक्र भरिया
 थपि स्वम्हं शुरा जुया दुगु, फै, म्ये ख्याना मग्यासे यक्षराजा-
 यागु ध्वा खास थ्यंक वन । ध्ववेलस अन ध्वाखास पाःचोना
 चोपि यक्षपिसं खना न्यन । हे मानवपि ? छिपि सु, गनं वयापि,
 सुनां छोया हःपि, धन वैगु कारण लु ! थथे ध्वाखास पाः
 चोना चोपिसं धागु न्यना बन्धुत्त धाल ।

हे यक्ष द्वारपालकपि ! जिपि परोपकारी बैद्यत खः थन
 शशी यक्षराज दर्शनयाना ध्व पशुगणपि दुग फै म्ये भवा



चढेयाये धका वया राजायात खबर थ्यंकाव्यू । थ्वते परदेशी मनुष्यया भाषा न्यया द्वारपालकपिसं राजा मन्त्री सकल मुना चोथाय् वना परदेशी मनुष्यं धाःथें सकतां खँ कन । थ्व खँ न्यना रोगीम्ह यक्षराजा हथाय्चाया धाल ।

हे द्वारपालपि ! आम बिदेशी वैद्यत याकनं थन बोना हति । थते राजाया बचन न्यना द्वारपालपि लिहांवना बिदेशी वैद्यपित राजायाथाय् बोनायन ।

थ्वबेलस बिदेशी वैद्यत बन्धुदत्त, नरेन्द्रदेव रथचक्र थुमिसं थःपिसं जोना वयापिं म्ये १००० द्रछि, फैं, १००० द्रःछि, दुगु १००० द्रछि जम्मा ३००० सो द्यो पसुत चढे याना शशी यक्षराजा दर्शन यात ।

थनंलि बिदेशी वैद्यया मुख्यम्ह बन्धुदत्तं बित्तियात । भो शशी महाराजा ! छलपोल जिमित करूणातया बिज्याहुं, छलपोलयात छु रोग जुयाचोन, गथे गथे जुल थथे बिदेशी वैद्य धाःगु न्यना यक्षराजां धाल ।

हे बिदेशी वैद्यराजपि ! जित छु रोग जुल छु रोग जुल, प्वाः जक स्यायिगु, अनेक चिकित्सा याका सोयधुन, छुं हे सी महु, अथवा जि मृत्यु हे ज्वीगु जुलला मस्यू छलपोलपिशं छकः जित यथार्थ रूपं बाँलाक ध्यानतया सोया बिज्याहुं । थथे यक्षया राजां धाःगु न्यना बन्धुदत्तं बित्तियात ।

भो यक्षराजा । छलपोलयागु नाडी छकः स्वे, साध्यासाध्य जि बिचाः याय् । थ्व खँ न्यना यक्षराजां लहाहा बिल, बन्धुदत्त गुरुं नाडी सोया लुसि, मिखा, मे, प्वाथे सोया बिचार याना बित्तियात ।

भो शशी महाराजा ! जि छलपोलयागु रोग बिचायाना सोयेधुन मृत्यु ज्वी मखु, साध्य हे ज्वी तिनी, आः जिमिसं प्यन्हुतक रोगानुसारं वासः याना अवश्यमेव लायका बी । छुं धन्दा कै बिज्यायमते । थ्व खँ न्यना शशीराजा चित्तबुझे जुया वास याकेगु स्वीकार यात ।

थनंलि गुरु बन्धुदत्तं खुसी नागयात प्वाँ हायकेछोया मन्त्र बोना प्वाथे भारैयाना ल जपा तोंकालि रथचक्रयात जडी बूरीया काँढा दायकेबिया, नरेन्द्रदेवयात वासः मिले याका, थमं वासः जोना महाप्रत्यङ्गिराया मन्त्र लुमँका शशी पक्ष-राजायात वासः तोंकल । थुगु प्रकारे दिनया सोकः प्यन्हुतक देव चिकित्सा व मुनि चिकित्सां वासः यात । थ्वबेलस प्वाथे ककोटक नागराजां यानातःगु शूल रोग बिला वन । न्यान्ह दसेलि मरणान्त ज्वीक प्वाथे स्याःगु रोग शांत जुल । हानं थः पिसं चढे यानापि दुगु, फैं, म्ये थुमिगु मांसया रसनं तोंका तागत बिथा बल पुष्टि याना बिल हानं यक्षराजाया स्त्री आदि प्रजागणपित्तनं पसुयागु मांस नका रस तोंका सन्तोष याना खुसि यानातल ।

थनंलि बन्धुदत्त वैद्यराजं यक्षराजायाके न्यन । भो शशी महाराज ! आनं प्वाः स्यानिला ? थथे बिदेशी वैद्यराजं धागुः न्यना शशीराजा मुसु मुसु निहला धाल ।

भो बिदेशी वैद्यराज ! जि सीत्यंम्हयात स्वाकाव्यूम्ह छल-पोल धन्य छः । जिजा सिनालि हानं म्वाना वगर्थे जुल छः पिगु उपाय द्वारा जि बचे ज्वी धुन, आः छः पिनिगु मेहनत खना जि आपालं खुसि जुल, जि व बीमा थ्व बीमा हे मन्त जिके दुगु

जि बीरगु धया बिज्याहुँ थनथ्यांक दुःख सिया बिज्यानागु
लुया कारणे खः आज्ञादयका बिज्याहुँ, माः गुतक सत्य ३ नं
जि बीगु जुल । थये यक्षराजा खुसि जुया धाःगु खँ न्यना
सोमहसियां सलहायाना बित्तियात ।

भो यक्षेवर, शशीराजन् ! जिमिसं मिथ्या खँ लहायमखु
न्यना बिज्याहुँ । जि नेपालमण्डलया छम्ह षट्शस्त्री गुरु
बन्धुदत्त बज्राचार्य धैम्ह खः । हानं जि यक्षमान नरेन्द्रदेव धैम्ह
महाप्रतापी जुनु छम्ह थव खः । हानं जि सेवक रथचक्र धैम्ह
गुरु भक्तिम्ह किसान छम्ह थव खः । जिपि सोमह दुःख सिया
थव वेगु कारण छायधासा वर्तमान भाः थुयाय नेपाल
मण्डलस जलवृष्टि मजुया सकल लोकया महादुःख जुयाचोन ।
उकिं जलवृष्टि यायया करणे छलपोलया ५० न्यासाः म्ह
पुत्रमध्ये दकले ककालि म्ह पुत्र छम्ह जिमित फोने धका वया ।
छलपोलया सत्य दु भैगु जूसा याकन बिया बिज्याहुँ, सत्य
मदुसा जिमि छु लगेनू धका बित्तियात । थव ख न्यना यक्ष-
राजा छक जया मती विषादयाना वधाय थवथाय मदया खलि
सुक चोना मसै खँलहान । अहो आश्चर्य गथे फचित जीय खनी-
हाहा धिक्कार जिगु बुद्धि, जि प्राण तुल्यम्ह पुत्र गथे बीगु, आः
छु धायगु, जि त्रिसत्य यायधुन धका मनं खँ लहाना हानं
जघाफ चिळ ।

हे वैद्यराज ! थव देशेनं जि वीधिकम्ह पुत्र जन्म जुसेलि तिति
मङ्गलोदया जुया सुलक्षणं पूर्णजुल, वखत वखते जलवृष्टिजुया
अत्र वृद्धि जुल, सकल प्रजागणपि प्रतिपाल उद्धार जुल ।
उकिं थव ब्रता धायमते मेगु धा, केवल जि पुत्र हे माः धैग

जूसा मेपि बी, छम्हजकजा छु निम्ह सोम्ह हे बी, हानं जिके
दुगु मे मेगु छु माः धा जि धाः धागु पुरेयाना बिया छुय ।
थव ख न्यना बन्धुदत्त गुरु धाल ।

हे यक्षराजन् ! जिमित माःम थव हे खः, मेपि मयू ।
धनद्रव्यादिनं छुं म्वाः । सत्य वचन खः बीगु जूसा जिमिसं
फोने धुन, याकन बिया बिज्याहुँ, मर्बागु जूसा मेगु फोनेत
ज्या मदु । थव खँ न्यना हानं यक्षराजा धाल ।

हे मानव, वैद्यराज ! थव जिम्ह वीधिकम्ह पुत्र हे माः धैगु
जिबिकै मखु, छाय धाःसा थव ककालिम्ह जूयानिति
बौया यथे मदु मायां यथे । हानं प्रजा प्रतिपाल यायात तोता
बी धुन, उकिं प्रजागणपित मांम्हयात नित बुझेयाना यंके
फुसा यंकी, थुलि धया थः स्त्री मन्त्री प्रजागणपि सःता
सकलें मुंका थव हे ख धाल । थवेलेस यक्षराजाया प्रजा
गणपि सकस्यो छगू पाखं हका धाल ।

अरैरे मानवपि ! जिमिसं अनेक छल कपटयाना जिमि
वीधिकम्ह राजकुमार यवेत चल, जिमि सुकलया प्राणनाथ
जुयाचोम्ह बालक बिया छेमखु, जिमित माःसा मे मेगु
फोनायंकी, वहे माः धगुजूसा जिपिताप लवाना त्याके फुलां
अलेतिनि यंके दै, मफुसा दंके दै मखु, छिपि थन चोनेमते
छिमिगु प्राण वनी । सी यःसात्रक थन चोनाचो, म्वायगु
इच्छादुसा याकन लिहाहुँ । हानं थव हे खँ लहात धाःसा
जिमिसं बाकितय मखु, आतक लाःनि विस्नुहुँ धका विशब्द
विशब्दं हाला ख्यात । हानं मांम्ह माया यक्षणीनं भयङ्कर

मूर्तियाना वा कट्टटं न्हया मिखाजक पतियाना पुतु पुतु
हाला चोन । थुजोगु तालखना गुरू, राजा भरिया सोम्हसियां
निराशा जुया थनचोना थिक ज्वा मखुत धका तीजक खं
ल्हाना अनं प्रस्थानयाना लिहाँवया यक्षलोकयाँ पिते न्हापा
चोनागु पीउस सोम्हचोना सल्हायात ।

भो गुरू ! आः गथेयाये, कार्य सफल मज्जीकं गथे लिहाँ
वने ? थये जुजु न्यसंलि गुरू धाल !

हे राजन ! कार्य सफलयानां तोते, धन्दा कायम्बाः । थ्व
बालकयात जगत्मोतनी यायमाल, थ्व जतन जि थन हे चोना
याये । थुलि थया मागु सामाग्री तवार याना, सुवर्णया कलशे
तीर्थोदक पच्चासृत, पञ्चपल्लव, पञ्चाग्रीहि, पञ्चौषधि, छेत्र
सहित तथा, किसली देछाया, संग्रथी गोप्रास न्हेंकं सिंहमु
सुकुन्दा मोहनी सिन्दूर साधन सकतां स्थापना याना, कुण्डला-
जाक्षत पञ्चसूत्रकां तक्षयंका, दशदिग्लोकपालादि माः माःथाय
तथा ताडन तथा, बन्धुदत्त बज्राचार्य योगाम्बर पूजारम्भ याना,
रहस्यविधि क्रमपूर्वक योग ध्यान समाधि क्रियां याना, जगत्मो-
हनी सिन्दूर साधना यागु ज्या सिधयका, कर्कोटकनागराजायात
थ्व मोहनी सिंह यक्षरूप बालकयागु म्हस किकाः वा धका
बियाछोत । नागराजा मोहनी सिंह जोना, यक्षयागु भेषजुया
वना, उगु समये बगीचास म्हिताचोम्ह बालकयात गुर्या मन्त्र
सिद्ध ज्वामा धका मोहनी सिंह किका गुप्तरूपं लिहाँ वल !

थ्ववेलस यक्षरूप बालकयात मोहनी ग्यला मन भ्रमण
जुया मां बौपित्त धाल । भो माता, पिता ! जि नेपाल मण्डलस
छको वनेगु इच्छा जुल, जिवने न्है धका न्हिथे थुगु प्रकारं

हाला तयेगु तोनेगु छुं बीचा मयासे जुल । न्हिथे थये हाला जूगु
पुत्रयागु स्वभाव खन मां बौपि भद्रभूत चाया मती अति
सन्देश जुया ज्योतीष सता केना सोत । ज्योतीष प्रश्न बिचाः
याना बित्तियात ।

भो महाराज, महारानी ! थ्व कुमारयात मोहनी ग्यला
मन स्यके धुंकल, अवश्यनं नेपाल वनी जुल, थ्वैत पितछोय
मते, बांलाक बिचाः याना तैबिज्याहुं । थुलि थया ज्योतीष
लिहाँ वन । महाराज, महारानी सकल यक्षगणपिनि मनस
महाधन्दाकया न्हापाया दुर्गाछ सकभनं मतच्याका थ्व बालक
पिहाँवनी धका थाय्थासे पहरा चोना चोन । हानं माझ माया



यक्षणीनं पुत्र पिहावनी धका कोथाया मूल मुलखास सपैना
छयाँ दिका लपना देना चोन ।

थवेलस गरु बन्धुदत्त कलसथागु किसिली लिक्क्या जुजु-
यात थव कलशे पंक्षी वा कीया रुपजुया न्याम्ह वया व्दाहाँ
वसाँ किसिली देछाया ध्यु धका मागु ज्या खँ सेना कना योग
ध्यान याता लोकनाथ साधना याता चोन । मन्त्रसिद्धिया
प्रभावं यक्षरूप वालख लोकनाथया मन स्थीर मजुया रात्रीया
प्रहरे पिहाँ बनेत दना वःगु चखने माँम्ह लुखास छयाँ दिका
सँफिजेयाना लँ पना पिहाँघने मजीक देना चोंगु खन ।

थवेलस लोकनाथ पिहाँ बनेत लँ मछिना माँयागु सँ
छपु छपु तीजक चीका माँयागु शरीर हाचाँ मगासे थःगु शरीर
अनंतु तोता प्राणवायु भ्रमरयागु रुप कया बेगँ बँ वना बन्धुदत्त
गुरु साधना याता तगु सुवर्णया बिजय कलशे व्दाहाँ बिज्यात ।
जुजु खना हथामँ किसिली देछाया बिल ।

थनंलि माँम्हसिया न्हलंचाया दना सोगु बखने न्होनेसँ जीव
मदुम्ह पुत्र खना हाहा पुत्र, जि प्राणंतुल्यम्ह लोकनाथ ! छँ माँया
त तोता गन वना धका विशब्द विशब्द हाला खोल । थव खोगु
शब्द अनं यक्षगणपिनि मकस्याँ न्हयलंचाया दना सो वःबले
जीव मदुगु लोकनाथया शरीर खना धन्दा चोन । थुगु बल्लस
यक्षया ज्योतीष पटक ग्रैम्ह वया बिचाःयाता धाल । भी
कुमारजी मेगु हे रुप कया नेपाल देशे बने धका वन तर देशहे
पिहाँ मवनी । साधन याता कलशे तैतल, आतक लाती भीपि
बल्लासा कया हे ज्यूनी । थये ज्योतीषया वचन न्यना
यक्षगणपिसँ जीव मदुगु शरीर सुनाने मथ्युसे अनंतु तथा,

कोलाहल शब्द हाला, आकाशमागँ बोया मा वसेली थव हे
साधनायाता चोंगु थायखंका सुवर्णया कलश लाका हट्टटँ न्हिला
लिहाँ वना, कलेश चोंगु रूप शरीरे डुबिका लोकनाथ दना वःगु
सोया माँ बौ आदिसकल यक्षगणपिनि मन आनन्द याता
चोन । अन साधकगणपिनी गुरु राजा प्रमुखं मुना जुगः
मछिका भसुका तथा धाल । जस्तन जा यातागु खः, आकाश
वया लाका यंकल थये वैगु भीसँ बिचाः याय मफुत । आः
जुयाये धका हाला चोंबले हानं यक्षगणपि आपालं वया साधक-
गणपित लिना हल । थुगु समये बन्धुदत्त गुरु साधना याता-
तेगु ईका, पका, ताये, आखे, बिभूति कया होला छोट, यक्ष-
गणपि वेमफया लिहाँ वन ।

थनंलि साधकगणपि अन वया हानं मेगु हे पीठे बास
याता सलहायात । मो गुरु ? भीसँ लोकनाथ बिज्याका सुवर्णया
कलस यक्षगणपिसँ लाका यंकल भीसँ आकाः वने फैतिनिला ?
थये चोना मजिल भीपि नेपाले वना (चतुरङ्ग बल) सल,
किसी, रथ, सैन्यगणपि हया, शस्त्रास्त्र जोना थुमिनाप संप्राम
मयासँ जी मखुत गय याये माली ? थये जुजु धाःगु खँ न्यना
बन्धुदत्त गुरु धाल ।

मो राजन् आम खं नं खः, जुजुया राजनीति धैगं युद्ध
यायगु ज्या धैबिज्यात, तर ज्या मछि, लाय धासा युद्ध याय
व इमितं धःपिनिनं निगू धरियाँ प्राणी नाश ज्वी । हानं
धनद्रव्यादिनं आपालं पवी । केवल धन चतुरङ्ग बल गथेयाना
हयेगु, सिला नदी गथेयाना तर याये ? कर्कोटक
नागराजाँ फै मखु, फुसा आपालं तकलीफ ज्वी, उकिं युद्ध
यायगु ज्या थिक ज्वी मखु, जि थये धालःधका तंवाया

विज्यायमते, तथेगु तोनेगु निसै फौ मखु, छलपोलं छको बांलाक बिचार याना विज्याहु । जत्न जुक्ति धेगु आपलं दु. तन्त्र-मन्त्र योगं जि माःगु याय्छु धन्दा कायम्बा । थुलि ध्या श्मशान योग यायत माःमागु सामाग्री तयार याना, न्हापां पीठ पूजा याना लिपा श्मशानय योग याना रात्रिया तृतीय ५ हरे ४ प्यम्ह भैरवपि आराधना याना विज्यात । थवबेलस अष्टसिद्धिया प्रभावं ४ प्यम्ह भैरवपि विज्याना दर्शन बिल । सुसु भैरवपि धाःसा हरसिद्धि १, हयग्रीव २, नन्दकुन्द ३, लुप्तसंहार ४ थव प्यम्ह भैरवयात पूजा भावनायाना सन्तोष याना बिन्तियात ।

भो वीरेश्वर भैरवपि जिमित रक्षा याना विज्याहु । नेपाल देशे वा मवया हाहाकार जूयानिति श्रीलोकनाथ विज्याकेया लागी जिपि थन वया सःस्युगु जत्नजुक्ति उपाय यासैली यक्षराजा खुसि जुया जिके दुगु छिमिसं फोगु जिं बी धका सत्य बान्नायात, लिपा यक्षगणपिसं ख्याना हल, हानं लोकनाथ साधना यातातैगु कलश लाका वंशु इत्यादि अनजुगु खंकन । भैरव प्यम्हसिनै बन्धुदत्त यात ऋद्धिसिद्धि बरदान बिया थुगु ज्याय जिमिसं नं माःगुतक ग्वाहालि यायगु जुल धका भाला कया विज्यात ।

थनंलि बन्धुदत्त गुरु भैरवपि प्यम्ह कर्कोटक नापं थःपि प्यम्ह जम्मा च्याम्ह मुना मन्त्रसिद्धिया शस्त्राशधारणायाना थःहै सेनापतिजुया लोकनाथ काबने धका प्रस्थानं याना घन घवं कामुनी देश थ्यंका यक्षगणया राजारानी मन्त्री सहित प्रजागणपि सकलै मुना थवहे खँ ल्हानाचोगु थासे वना बन्धुदत्तगुरु थुगु प्रकारं धाल ।

हेराजन शशीमहाराज । छ पिसं त्रि सत्यवाचा याना

जिकेदुगु छिमिसं फोगु जिं बी धाःगुलि जिमिसं फोनाम्ह छल-पोलया चाधिकम्ह पुत्र जिमित बीगुलाकी मवीगु ? गथे खः धैविज्याहु । थथे बन्धुदत्त गुरु धाःगु खँ न्यना शशी राजा त्राहि जुया धाल । अहो आश्चर्य ! थूपिला हानं वल तिनी, थव भयङ्कर मूर्तिप प्यम्ह सुज्वी ? हे स्त्री हे प्रजापि ! का का भी कुमारयात छुयाना उपकार यायमाल याकनंया जिगु खुसि मखु छिमि खुसि, थुमिसं यंकी बांलाक बिचाःया । थथे यक्ष-राजा धाःगु खँ न्यना प्रजागणपिसं कुमार यात बिचाः याना फको सुचुकेत सन ।

यक्षगणपिनि परस्पर खँ ल्हाना लोकनाथयात सुचुकेत संगु बन्धुदत्त बज्राचार्य खना, थः सेना भैरवपिनिगु ख्वाः सोयो धाल ।

भो वीरेश्वरपि ! थव यक्षराजा सत्यवाचा भंगयाना भीत लोकनाथ मविसे लितछेत सन । भीपि लोकनाथ मकासै लिहा वने मखु, आः थुमिनाप युद्ध मयासै जी मखुत ! थथे बन्धुदत्तगुरु धाःगु खँ न्यना भैरवपि प्यम्हस्यानं भयङ्कर मूर्ति रुप धारण याना वा कटटटं न्ह्या ति ति न्ह्या हुंकार शब्दयाना धैविज्यात ।

हे यक्षराजन ! छं सत्यवाचा भंगयाना कुमार मदिसे असत्य याय् त्यन । छन्हुयागु जालया सां जिमिसं कुमार मकासै वने मखु, छिमि कोटि सैन्यनाप युद्ध यायमाःसां जिपि ग्यायि मखु, क्षणमात्रे स्वायच्छुका बी-छिमिगु जीवया माया-दुसा आम कुमार याकन बियाछो, वा मखु धैगुजुसा छिमिसं सास्तितया सीमाली, कुमारनं बीमाली का आः छु भया ? थथे भैरवपिसं धाःगु खँ न्यना शशीराजा प्रमुखं सकल यक्षगणपि

त्राहि जुया, लोकनाथयात घयेपुना, भैरव पिनिगु ख्वाः सोया यक्षराजां विन्तियात ।

भो ईश्वरपि ! जिगु विन्ति छगु न्यना बिज्याहुँ । थ्य कामुनी देशे जि चीथिकन्ह पुत्र छम्ह जन्म जुसेंनिसें सुथे पिनागु वा न्हिने लय् दया सकल प्रजाया माहा आनन्दजुल, नयेत छु हे दुःख मन्त, आः थ्व मचा नेपाले यंकुसेंलि थन जिमि दुःख ज्वीगु जुल, थुकियानिति वियाच्छेत थाकुगु खः, जि पुत्र याताप जिपिन बोनायंकी आः थयें हे वी । थये यक्ष राजां धाःगु खँ न्यना, बन्धुदत्त गुरुं धाल ।

हे यक्षराजन् ! आम छु धगु खँ मनुष्यया देशे राक्षस गथे बोना यंकेगु ! राक्षस व मनुष्य नैध नसा, कला भात हे जूसां राक्षसं मनुष्ययात नयां तोती, उकीं छिपि बोना यंके मज्यू, आपालं ताःहाकगु खँ लहाना बोनाया प्रयोजन मदु, सत्यनं बी थका धाःगु खः बीगुलाकी मवीगु । थ्व खँ न्यना यक्षराजा या नुःगमछिका पुत्रयात घयेपुना धाल ।

भो पुत्र लोकनाथ ! जि छन्त गथे तोता छे, छं मां बी पित्त गथे माया तोता वनेगु आः थये मखुत, जिगु सत्य वावानं भंग मज्जीक, विदेशी पुरुषपिनिगु इच्छानं पुरैज्वीक नेपाल देशे वना जलवृष्टियाना, हानं थनन्तुं लिहँवेग सो धया मिखास खोविवेका, दुःख मनघाना चोन । हानं माग्ह माया यक्षणीनं थः पुत्रघयेपुना हिक हिक कया गःप ततःपु याता मिखा खोविवेका खाखानूगु सोरयाता धाल ।

हे पुता जि काय् आः जि छगु ख्वाः स्वेगात, हा हा जि पुता गथेघाना तोता छेगु, छुयाये ल्वायधाःसा भयङ्कर मूर्ति भैरवपि वया चोन, ल्वायगु समर्थनं मन्त, हानं सत्य

वाचा नं भंग यांथ मजिल, जिमिगु कर्मया फलं हे जूगु खः थका पुत्रया ख्वाः स्वेगु निराशा याता, य पुता छं मां लुमंका थन हे लिहँ वा थका हाला चोन । हानं मन्त्री सहित सकल प्रजागणपिसं नं भैरवपिनिगु भीषण मूर्ति खना त्राही जुया आःछु याय थका हाला चोन । थ्व बेलस बालक रूप लोकनाथं धाल ! भो माता, पिता ? छि मिसंछं धन्दा कायमते, आः जि नेपाल देशे वने लिपा जि सोया मागु याये जितः बेला बिया छे । थये पुत्रयागु वचन न्यना शशी यक्षराजां भैरवपि प्यग्ह, गुरु बन्धु दत्त राजा नरैन्द्रदेव आः द सकलिगु ख्वाः सोया विन्ति यात ।

भो वीरेश्वरपि, विदेशी बैयराजापि ! छलपोल पिनिगु गुण ज्ञान पराकम खना प्रसन्न जुया जि पुत्र तोता बी धुन, नेपाले माःगु कार्य सिधयका हानं थन हे लिहँ छेया है दि-ज्याहुँ । जि पुत्रयात लं म्हसीकेत लं जवं खवं थंसि माया पुसा होला बिस्तारं यंका बिज्याहुँ थका राक्षसया बुद्धि थंसि माया पुसा नं माःछि बिया बेला बिल ।

थ्वबेलस बन्धुदत्त गुरुं यक्षराजायात लिपा गथे माल अथे याये थका जवाफ बिल, श्री लोकनाथयात रुते तया प्यह्म भैरवपिसं कविका, सुवर्णयां कलस व थंसिमाया पुसा नं कया बेला जुल न्है थका थया मुसु मुसु न्हिला नेपाल देशे सोया सकलें बिज्यात ।

थनंलि बन्धुदत्त बजाचार्य थंसिमाया पुसा बच्चि २ थला बच्चि मन्त्रं सियाका बुया मवैगु याता लें होला लोकनाथयात हेका हल । श्री लोकनाथ नेपाल देश पाखे बिज्यागु समय स्वर्गया देवतापि गन्धर्व, किन्नर, विद्याधर गणपि मुना

हुन्दुमि बाजा थाना, आकाशमार्ग लसोचल । हानं डेवकन्या
गन्धर्वकन्या, किन्नकन्या आदि अप्सरगणपि सुना आकाशमार्ग
स्वां वा गाका हल, गुलि गुलिसिनां रत्न वृष्टि, जलवृष्टि,
अष्टमङ्गल वृष्टि याना हल, गुलिसिनां ना ना प्रकारया मङ्गल
गाथा बोना अष्टसुगन्ध धूप धना हल, गुलिसिनां ताये, आखे,
स्नां होला मङ्गलोत्सव याना हल । हानं सुछं व, बालासुकी,
गन्धवाह, शंखपाल, तक्षक आदि नागराजापि वया च्वांगु गुणं
सहितगु जल धरा हायका लसोका बिज्यात । हानं कामुनी
देशया यक्षराक्षस गणपि नं नेपाल देश थ्याक लसोया तवे
धका प्रतिज्ञा याना वल । थव खं वन्धुदत्त गुरुं सीका थपि
नेपाल थ्याक यंकेमज्यू, अवश्य नं बिधत यायी, आः थन हे
जत्त यायमाल धका बिचाः याना साधन पोले चोगु बिभु-
ति, ताये, आखे, ईका-पका कया मन्त्र प्रयोग याना लें नं
आकाशे नं होला बिल दिग्वन्धन जुया मन्त्रया सिध्दी लं
मरुता यक्षगणपि थुखे वेमफया लिहाँ वन । मे मेपिनं वेलाकया
लिहाँ वन । श्रीलोकनाथ कोविया व पि भैरवपि व थपि जक
थवे ववं ब्रतन धैगु देशे थ्याका अग्निपर्वत लङ्घनायाना अन
तिसे वन्धुदत्त वज्राचार्य कनिगु थसिमा पुसा होला हहं कतद-
वाल थयसें ली पुसा दको फुत । उकी छतन धैगु देश उचे मन्त्र
युक ग पुसा होला वःगुलि थसिमा वृषा मन्त्र थुखे कचिगु पुसा
होला वःगुलि छतन निसे कवदुवाल तक थोया अज्ञापि थसि-
माया वन आपाल देवोन ।

कवदुवाल धैगु तीर्थ थयसेलो लोकनाथ कोबीया वपि भैरवपिनि
मयातुया अनसन्तु खःदिका बिचायारुप कया खछि सुकं चोन,
लिपा येकेमाल धका भैरवयागु रूपतुं कया खः कोन्यूबले

मयातुया कोबी मफु, अनेक जत्तयाना सोतनं संकेहे
मफया सेसें कुं कुं मिका चःति सोसो वेका चोन ।

थथे जूगु वन्धुदत्त गुरुं खना ध्यानं बिचाः याना सोगु वखते
शशी यक्षराजां मेपि ३०० सोस ! मह पासापि मुंका वया नष्ट-
छायाधैगु सुतानं मखनीगु मन्त्र बोना ख्याः धौं सुली थें सुला
चोंगु खन । हानं लोकनाथ तैहंगु खतेनं ४ प्यागू पर्वतया भार
दुबिका तगु खन । उकीं भैरव थें जापिसं हे ख कोबी मफुत
धैगू ज्ञानं सीका जुजु नरेन्द्रदेव यात आज्ञा दयका बिज्यात ।

भो राजन् श्रीलोकनाथ नेपाल देशेजा थैन, तर शशी
यक्ष राजां हानं लितयेंके धका ३०० मह पासापि बोना थन
सुला चोन, सुतानं खनीमखु जि खन । हानं लोकनाथ
तया हेगु खते नं प्यागू पर्वतयागु भार दुबिका
मयातुका तल उकीं भैरवपिसं हे कोवित थाकुल । भीर्पि
कायल जुया तोता वनी, अले इमिसं लितयेंके धैगु बिचारं
यागु खः । तर जि माःग जत्तयाय् छुं हे धन्दा कायम्वा,
जिथाथे जकया । आः हानं न्हापायाथे समाधि योग ध्यान
याना, कलशे श्रीलोकनाथ साधना याना काय अले कलश
छगः जक जोना वनां गायी । खः इमिसं लित यंकुसां थयें ।
थव ज्या यायवले जि नवायमज्यू किसली लिक्कया तयगु, श्री
लोकनाथ भमरायागु रूप कया कलशे दुहां विज्यायी, किसली
देजायान्यू थथे मयायव थव ज्या सेती, बांलाक चिचारया ।
थुलिमछि दुखसिया यानागु कार्य धौपलखं व्यर्थ ज्वी,
नुगले ध्वमिका धन्दा कया विज्याहुं धका माको खं
ल्हाना, छगू गुफाया दुने सुतानं मखनीगु थासे गुप्त रूपे

(५४) बुंगयो नेपाले वःगु खँ

चोना, च्यागू दिगसं दिगबन्धन ताडन तथा, रथचक्र भरिया व कर्कोटक नागराज थुपि निम्ह पिने पाः तथा, दुने थःपि निम्ह चोना, जुजुयात जजमान याना, थः गुरु जुया रहस्य विधि योगाम्बरयागु योग लोकनाथयात कलशे तुकी-केत ८ च्यान्हु तक योगं ध्याने चोना १०५००० सुवालाख जप याये थुंका सुवर्णयागु कलशे पञ्चसूत्र कां तर्क्यका किसली लिक्का लोकनाथयात साधना याना विज्यात ।

थनलि श्री लोकनाथ भ्रमराया रूप कया भुनुभुनु हाला सुवर्णया विजय कलशे सोचा चाःउला दुने दुहाँ विज्यात ।

उगु समये जुजू नरेन्द्रदेवया आपालं दुःख कष्ट नया न्ह्योपाः याना वःगुलि परिश्रम जुया भुसुकक न्ह्यो वेका यना चोन । ताउत नं किसली देछाया मज्यूगुलि भ्रमराया रूप लोकनाथ कलसं पिहाँ विज्यात गुरु बन्धुदत्त बज्राचार्य हानं द्वितीय योग याना आकर्षण याना विज्यात, भ्रमरा रूप लोकनाथ न्हापाया थें हे विज्याता कलश चाःउला दुने दुहाँ विज्यात । जुजुया न्हापासिवे दुगंछि अप्पो न्ह्यो वेका ताउत नं किसली देमछाया पिहाँतु विज्यात । थव वेलस गुरु बन्धुदत्त बज्राचार्य योगं दिना आज्ञा जुल ।

भो महाराज गथे न्ह्यो वःगु भ्रमरा रूप लोकनाथ निको विज्याय थुंकल, प्रथम योग सिति वन थका हानं द्वितीय योग याना, द्वितीय योग नं सिति वन, आः तृतीय योग छगू दनि, थुकी नं थथे हे जुल धाःसा थव ज्या अवश्य स्पनीगु जुलः न्हापानं मखु, लिपा नं मखु, थुगु हे औसरे न्ह्यो वेका ज्या विफलाय त्पन । थथे ज्वी थका जि न्हापा

हे संश्ले याका, दलिया सेवा घौंछि पवीन, सोकः सिवे प्यकः विज्यायी मखु लिहाँ, विज्यायी । लितयंकेत तत्पर जुया वैचोपि दु, छलपोलया थंग आमथे । भीसं दुःख सिया ज्या यानागु सिति वनी, सकसिनं धिकार नं याई । गथे धन्दा मदुगु ? निगू मौका सिति वन, आः छगू दनि होस याना विज्याहुँ धन्दा कया न्ह्यलं चायका विज्याहुँ थका उपदेश बिया हानं न्हापाया थें, हे तृतीय योग समावि ध्यान घाना लोकनाथ साधन याना विज्यात ।

उगु समये जुजु भ्रमराया रूप लोकनाथ विज्यायिगु स्वोये थका फकवलं न्ह्यो मवेकुसे सोया चवन, लिपा हानं न्हापा थें हे साराक न्ह्योवल । थव हे बेलास मन्त्र सिद्धिया प्रभावं हानं भ्रमण रूप लोकनाथ भुनुभुनु हाला घया कलस चाःउला दुने दुहा विज्यात । गुरु बन्धुदत्त बज्राचार्य जुजुयागु स्यभाच खना मतीं-मतीं थाल, धिकार धिकार थव जुजु किन्तु यक्षराजांजक थथे यातला थका धन्दा कया आगथे याये जि नचाये मज्यूनि, जुजुया न्ह्यो वो, किसली सुनां देछाया वीगु, रथचक्र धाःसा थन दुकाय मज्यू घया अभिषेक मदुनि आः ताउत नं थथे जुल धायव अवश्य न्हापाया थें पिहाँ विज्यायी हानं विज्यायि मखुत । आः लुयाये थव ज्या अवश्यन फचीत ज्वीन थका बिचाः याना न्ह्यो वेका चोम्ह जुजुयात चुन्यां ख्वात ।

जुजुया भसंक न्हलं हतासं किसली कया कलशय देछाया बी थुसेली जुजुया मने अहंकार घया मनंमनं थाल । अहो जिधि जाह्य जुजुयात हे थव गुरुमाजु चुन्यां ख्वात, थवैत जि

त्वाथला बीला, पाला बीला धका च्वाक मती तल । थये जुजुया मती तःगु खँ गुरुं सीका थौं जुजु गुरुयात त्वाथले धका मती तल ज्याका, आः थुगु ज्या सिधल विशेष भतीचा बाकी दनि, थव वाकी दुगु ज्यानि सिधयके धका मती तथा पूजा धुंका क्षमापन याना क्रमथे सिंह तिना प्रसाद कया जुजुयात नं सिंह तिका प्रसाद बिया न्हिला न्हिला आशिर्वाद बिया पूजा बिसर्जन याना हर्षोत्सुकं सुवर्णया कलश रक्षा याना न्हापायार्थे भैरवपिस कलश कोवीका, थाय थासे ताडन तथा थुगु कद्रुवालं प्रस्थान याना इन्द्रादि देवतापिसं मङ्गलोत्सव बायका हहं बुँग देशे थ्यांका छगू शुद्धगु स्थाने दिका आनन्द विश्राम यासलें प्यम्ह भैरवपि विदा कया गुप्त जुया बिज्यात ।



स्वर्गया अमरापुर निसें देवतापि वया श्रीलोकनाथ दर्शन याया, पाठ पूजादि याना, विश्राम याना वैगु जुया निति अनंनिसें बुँग देशयात अमरापुर धका घाल ।

थनंलि नेपाल मृगस्ली नवनागासन याना तपस्या याना चोम्ह कानफत्ता रूप गोरखनाथ योगी श्री लोकनाथ गुरु नेपाल देशे बिज्यात थैगु सीका दर्शन याये धका हतासं दना बुँग देशे श्री करुणामयया अंश लोकनाथ गुरु दर्शन याया १०८ अष्टां प्रणाम पूजा पाठ स्तोत्र याना थःगु थासे लिहाँ वन । थव बेलस नवनागराजापि नं आनन्द आकाशे वना मेघमाला थैगु वचुगु सुपाचे चोना श्री लोकनाथयात नमस्कार याना नेपाल देशे जल वृष्टि याना हल । थुगु बखतस तिनि नेपाल देशे जल वृष्टि जुया सकल लोकया आःतिनि सुख ज्वीगु लक्षण चल धका आपालं हर्षमान याना चोन ।

थनंलि गुरु प्रभृति सकलें मुना अमरापुर थैगु बुँग देशंनिसें कलस जात्रा याना हया ग्वाखंचा थैगु थासे थेन, अन शशी यक्षराजां पुत्र लोकनाथयात हरण याना यने धका वया सुला चोन, गुरु बन्धुदत्तं लांका अनसन्तुं ताडन तथा बिल, व यक्षराजा गनं वने मफुत, थौंया अद्यापि अन हे सिद्ध जुया चोन ।

हान अनं जात्रायाना ह हं इवला ख्यो थैगु थासे थेन, थुगु थासेनं माया यक्षणी वया पुत्र हरण याना टांके धका सिमाया च्वे सुला चोन, थन नं गुरुं लांका ताये आखेहोला ताडन तथा बिल, व यक्षणी गनं वने मफुत, थौंया अद्यापि नं

हे सिमास चोना चोनतिनी उकीं सिमायात मां सिमा
धका थौं तका नां जुया चोन । व सिमा कवे चोह माया यक्षणीनं
थ परिवारपि सता उपद्रवयायि धका थनं निसे स्वैतं
महाकुसे, बाजंनं मथाकुसे सुति सुति हल, वहे धिति थौं या
अथापि लोकनाथ जात्रा याना हरिवले इचला क्यो थैगु
थामंतिने पुर्वया प्यपु लं तरु बाजं थाय् मजिया चोन । पूचया
प्यपु लँपुसेलि सकलयां मन आनन्द याना आः सुनानं हरण
याता यंकीगु भय मन्त धका हर्षमान याता लग्छ्यलं हया ईति
थैगु प्यपु लं थ्यसेलि बिधाम यात । थन कर्कोटक नागराजां
आः ज्या सिवल जि वने धका गुरुपाके । बित्तियात, गुरु
विज्याहुँ धका वचन बिल । थन कर्कोटक नागराजा छपु लं
तःदहने थगु थासे लिहाँ विज्यात ।

थनलि गुरु बन्धुदत्त बजानाय थुगु लँपु जिगु कान्तिपुर
(ये) देशे वनेगु, श्री लोकनाथ थुगु लँपु विज्याकेमाः धका
आज्ञाजुल ।

हानं नरेन्द्रदेव राजां थुगु लँपु जिगु भक्तपुर (खप) देशे
वनेगु, श्री लोकनाथ थुगु लँपु विज्याके माः धाल । थथे राजां
थाःगु खँ न्यना हानं गुरु धाल ।

भो राजन ! आम खँ गवने उजी ; जि तन्त्र मन्त्रया सिद्धि
विद्याया समर्थ दुःख सिया थन द्रव्य खर्च मज्जीक ऋद्धि
निद्रिया वठं दीय क्यता हयाम्ह लोकनाथ थुगु लँपु कान्ति
पुरस वंकेगु जुल आपाः ताःहाकगु खँ लहाय मते । थथे गुरु
थाःगु वचन न्यना पुनर्वार राजां धाल ।

भो गुरु ! छलपोलं आमथे थाय् मज्जु, छाय् थाःसा थव
ज्या जिगु प्रार्थनां जूगु खः । न्हापां थव ज्यायायगुलि कोसीस
याता धन माको खर्च यानाम्ह जि । छलपोलं ऋद्धि
क्यता मन्त्रया वलं अनेक किस्मत याता विज्यागु खः थुकीं
मागु दक्षीणा शिर्षाउ वि गुरुयात सन्तोष याय मागु जिगु
कर्तव्य खः । छलपोल गुरु पुरोहित खः । जजमानया उपरं
करुणा तथा ज्या सिद्ध याता विज्यात, छलपोल धन्य खः । भो
गुरु ! छलपोलं जि जजमानयागु देश तोता थःगु देशे लोकनाथ
यंके थाय्गु योग्य मज्जु । उकीं थव लँपुं खप देशे हे थंके माः
धका धाल । थथे गुरु व राजाया खँ न्यना रथंचक्र भरियां
बित्तियात ।

भो गुरु भो महाराज जि छगू बित्तियायै अवसर माक
याता विज्याहुँ । थन प्यपु लं दुःख छपु लं कर्कोटक नागराजा लिहाँ
वन । छपु लं गुरु विज्याहुँ, छपु लं महाराज विज्याहुँ, सत्तीगु
छपु लं लोकनाथ कोबिया जि ललितपुर (यल) देशे वने ।
छलपोलपि निम्हसिया बाजि याता कच कच याय म्वाल । जि
मागु तक सामाग्री कोबिया महगु जूसा थव ज्या गनं सिद्ध
ज्वी । जि चिकु तानो, त्यानु, न्ह्यो वो, नये हिँ, तोने हिँ मध्यया
भरिया थैम्हसिया नयेगु तोनेगु बल खः थथे जूसां जि
पित्यागु प्यास चाःगु सह याता अड्यागु तक ज्या याता कष्ट
नया वैन लोकनाथं स्पृ । अथेया कारणे थुगु सत्तीगु लँपु यंका
ललितपुर (यल) देशे विज्याके । थथे रथंचक्र भरियां थागु न्यना
जुजु तंम्बेका धाल ।

अरे भरिया । छं छु खं लहाना, छं कोबिया कष्ट नया वःगु मेहनत अनुसार ज्याला जकं कायदै, लोकनाथ यंके दैमखु । जि छंत ज्याला बिया सन्तोष याय माःगु ख । लोकनाथ विज्याकेगु हक जि हे जक दै, मेपि सुयां दैमखु । उकीं थुगु लंपुं भक्तपुर (ख्वप) देशे हे यंके माः धका तमं धाल । थुगु प्रकारं जुजुं गुरुयातनं भरिया यात नं तमं तमं धासेलि हानं गुरु बन्धुदत्तं धाल ।

हे राजन् ? तंवाया विज्यायमते, शान्तजुया विज्याहुँ । भीसं न्हापाहे लोकनाथ थुगु देशे विज्याके धैगु तहकितयाना वनेमाःगु खःमचना, आःद्धने धुंकल म्वाल, तर गुरु आदि खुगु ज्या याना जूपित नीतिस थये धैतगु दु ।

सूतिका दुतिका चैव खनित्रा च वरांगना ।

उपाध्यायश्च वैद्यश्च कार्यान्ते च तृणोपमा

दिदि अजिमा, लमि, ज्यामि, वेश्या, गुरु उपाध्याय, वैद्य थव खुगु ज्या यानापित न्हापा थःगु ज्या सिमधतःले विन्ति विन्तियाना मान्ययाना तै, लिपा थःगु ज्या सिधल धायव थाय तुल्य याना छोयी । च धैत गुथ्यतुं आःछलपोलं ज्या सिधलकि जित गुरु पुरोहित खः माक दक्षिणा का धका तमं तमं धाल । जिगु मेहनतयात त्वेक दक्षिणा बीकुला ? छलपोलया देश छगुलि व्युसां मगाः, छुजक दक्षिणा बिया जित सन्तोष यायी । तर जि दक्षिणाया लोभं थव ज्या यानाम्ह मखु । जि गुरुया वनन शिरोपर याना लोकयात सुखानन्द यायया लागी सम्म थव ज्या यानाम्ह ख भो राजन् भीपि सोमहं सुयागुं

अधिने चोना वैपि मखु, लोक उद्धार यायया कारणे स्वच्छन्द मनयाना वैपि खः, थौं श्री लोकनाथ थन नेपाल देशे हयेथुन, आः थये कव कव याना चोनाया छुं प्रयोजन मदु, जि छगु विन्ति याय न्यना विज्याहुँ । भो महाराज भीपि स्वार्थी मखु, निस्वार्थिपि खः, उकीं आः थन ललितपुर देशस वरदेव राजाया पर्याय जुया चोन, थम्ह राजायात धया थव देशेया दकले थकालिम्ह, ज्ञान बुद्धि नं दुम्ह, स्थवीर (बुढा) छम्ह हया थवं थागु देशे श्री लोकनाथ यंका तेगु पका जुल । थव ज्याय यन बिम्बाद मयासे सत्य कवल याना विज्याहुँ, जि याये जुल । थये गुरुं थागु वचन न्यना जुजुं नं ज्यू ज्यू ठिक जू धका निम्हसिया परस्पर खं लहाना सत्यवाचा याना, थौं मखुत कन्है सुयसिया प्रहरे यायगु धका निम्हं खुंक चोन । थव खं न्यना रथंचक भरिया गुप्त रूप वरदेव राजाया थाय वना राजायात नमस्कार याना थव खंया वृतांत कतः लिहांवया सुंक चोना चोन ।

अनंलि वरदेव राजां जल्ल यात । छु थासा-थागु देशे द-कले थकालिम्ह बुढा छम्हसिगु छे भिगु थौं छगले नि भतीचा नं तथा छम्ह दुतयात नकावा धका बिया छोट । राजाया आज्ञा थं देशे दकले थकालिम्ह बुढा दुगु छे दुत वना बुढायात थौं नका लिहौं वल । बुढां काय, श्रयपित थाल । थौं जितः थौं नके हःगु छाया उची, थव थौंलि चिनं दु, जि नय थुन, नुनया सेवा या थायके हःगु ज्वी, जि नवाये माःगु छु ज्या चल धका छे जहानपि नाथ हाला चोन ।

कन्है सुये जुल, वरदेव राजां बुढायात सतके हल, बुढा वना राजायात नमस्कार याना विन्ति यात, भो महाराज ? जि

वेधुन आजा छु दु ? वरदेव राजाँ धाल ।

हे बुद्ध ! छ सोको जंको याय धुँकूह स्थविर खः
भीगु देशे श्री लोकनाथ विज्यावेगु बिचा याना छनवाय
माल धका रथानक किसानं कना वंग खाँ फुक बुढायात कना छं
नुनया सेवा या मयात धाःसा छंगु प्राण वनी धका ख्याना
लित छौत ।

थनंलि लगंखले इति थंगु थासे विज्याना चोपि गुरु व
राजा निम्हसिनं वरदेव राजायात छलपोलया देशे दकले थका-
लिम्ह जान बुढि दुम्ह स्थविर छम्ह बोना छलपोल थन विज्याहुँ
धका माःगु खाँ चोया निमन्त्रणा यात । थुगु समये वरदेव
राजाँ ध हे धौ नकाम्ह बुढायात सतके छोया मेमेपि नं मुंका
लगंखले इति थैगु थासे वना गुरु व राजायात माःगु सत्कार
याना व हे बुढायात न्होने तया बिल थव बेलस गुरु वःधुदत्त
वज्राचार्य वृध्दयागु खा सोया धाल ।

भो स्थविर नायक । जिमिगु निसाफ छगु याना व्यु, छु
धाःसा-जिमिसं श्री लोकनाथ कामुनी देशं हया थन तक
विज्याके धुन, आ थनं थःथःगु देशे यंके माः धका जिपि
निम्हसिया ह्वापु जुया चोन सोयिगु देशे यंके माली, थमं
धाःगु खाँ जिमिसं माने यायगु जुल । यँ देशे यंकेगु ला,
खव देशे यंकेगु ? यथार्थ रूपं धेदिसाँ । भो स्थविर । थः
आपालं म्वाय दंमखुत, मृत्यु ज्वीगु वखत थन । उकी सत्य
थे धेदिसाँ, मुलायिजा याना मिथ्यां धेदी मते । थव खँ न्यना
बुढाया मनस आश्चर्य जुया खलि सुँक चोना मगं-मगं धाल ।
आ जि छु धाय, गुरुया थास यंके माः धाःसा जजमान

जुजुया तांम्हां, निसाफला जुजुया थाय हे यंके माःगु खः हानं
वरदेव राजायात रथचक्र धाःथे थन ललितपुरे तयेमाः धाय
धाःसा थव जिगु धर्म मखु, मधाय धाःसा वरदेव राजाँ जिगु
प्राण कायीगु जुल । आः गथे याये धका बिचाः याना नमवासे
सुँक चोना चोसैली हानं नरेन्द्रदेव राजाँ धाल ।

हे स्थविर । ग्यायम्वाः धर्म धाःगु सकार धका जिमिसं
सत्य बाचा याय धुन, फरक ज्वी मखु । धर्म असत्य छता बोले
याय मने, सुखनानं ग्यायम्वाः याकनं धेदिस धका च्वेकल ।
थथे नरेन्द्रदेव राजाँ धा गु वचन न्यनाव स्थविर विन्ति यात ।

भो गुरु भो महारज । छलपोल पिसं सत्य बाचा याना
विज्याय धुँकल हानं जि सत्य कोबी धुन, सत्य थैगु थन हे
स्वेदे । लोक सकसिनं सत्य तोते मते, सोम्ह सिया थःथःगु
ऋद्धि पिकया दुःख कष्ट सह याना, कामुनी क्षत्रे थ्येक वना
लोकनाथ कया थन थ्यंक हये धुँकल, आः सयोगं मगं निसै
वया, जि बुढाचां नवाय माल । जिगु कपाले टिका जि जति
नवाना मासैली सकसिनं खने दयक, ताव दयक चोना धाये,
उगः ७ न्हेगः हया देतना व्यु, उकी चोने चोना धाये । थव खँ
न्यना सकलें न्हिला ठाक धाल धका न्हेग उगः हया देतना
बिल ।

थनंलि व बुढां बिचाः यात । आः जितः पाप लासां पुण्य
लासां वरदेव राजाँ हे फइ, नुनया सेवा याय हे माः । जि हानं
गलि हे म्वायी, छन्हुजा अयश्य नं सिना वनी । असत्य बोले
याना थथे सीसा नं थसी । बुढा छम्हसँ याना श्री लोकनाथ
यल देशे लात धका लिपा हुँ कन थ्यांक जिगु नां कायी, सक

सिनं प्रशंसा हे यायी । श्री परमेश्वरयाके क्षमा फोने धका बिचाः
याना न्हेगः उगःया योने थाहाँ वना व्हे कोना सकसिगु ख्याः
सोया धाल ।

भो गुरु, राजा प्रजादि सकल लोकपि ? सकसिनं सोया
न्यना का, जि नचाय त्यना । गथ्य धाःसा—

इग त्याग मङ्गल भट्टाया खुः,

ईश्वर त्रिबिभुवनया अवश्य खु ।

श्री परमेश्वर लोकनाथ थुगु

ललितापुर देशे बिज्याके माः

थव श्री जगन्नाथ प्रभु लोकेश्वरयात स्वर्ग मर्य

पातालवासी सकसिनं पूजा मान्य यायमाल

सत्य ३ नं थथ्य याय माःगु जुल न्हां ।

थथ्य धका सोकः तक थव हे खँ बोले यात ।

थुग प्रकारं असत्य वचन बोले याना व्युगुलि न्हेग उगः व
बुढा सहित अन भूमिसन्तु सोतुना तुरन्त मृत्यु जुल । थथे
जुगु अन स्वैवों वःपि सकल लोकपिस खना आश्चर्य जुया
थथ्य गु थासे लिहाँ वन ।

थनंलि गुरु बन्धुदत्त व नरेन्द्रदेव निम्हसियां नुगः मल्लिका
अहो दैव । थव बुढां अन्यायं असत्य बोले याना थनहे सिना
वन धिकार धका थुलि धयालि गुरु जुजुयात धाल ।

हे राजन । भीसं न्हापा हे थुग देशे बिज्याकेगु धका खँ
ना वेमाःगु, आः मलाका पश्ताप कयां छुयाये, छु
जन मदु । न्यना बिज्याहुँ भी निम्हसितं छुँ भतीचा पाप
गु दु । कर्कोटकनाग ले देना चोम्हयाशःछ पिस्सं तुति थवाना
धका थगु दु । जि मन्त्रया वेग जोना वतीस सास कुँक
ना सासितयानागु दु । थुकीया पापं छलपोलयागु देशे नँ
जिगु देशे नँ मखुं कुकोबिया वःम्ह भरिया यागु देशे
न । आः छःपि नँ सुक चोँ, जि नँ सँकनोने । थव देशया
नः जँको थुँम्ह बुढां असत्य बोले याना न्हेगः उगः सोतुना
रिसित । तर याथिम्ह काथिम्ह पुकं थव हे लोकनाथ
सत्य वचन थैगु बरो तःधँ, व बुढां थै असत्य वचन बोले
ना भीपि सीमज्यू । श्री लोकनाथ थव हे देशे तयगु पका
। पुत्र धैम्ह मां बोया अतिनं टेम खः, थौं भीसं मां वौ आदि
गणपित खेका लोकनाथ हया तथा, थुकी वःगु दोपँ, पाप
पोलयाके हे माफि फोने । थुलि धया गुरु बन्धुदत्त
नाचार्य श्री करुणामय लोकनाथ नेपाल देशे बिज्याकागु
वत् चोया बिज्यात ।

अतित कलिवर्षेषु शून्यद्वन्द्वरसाग्निषु ।

नेपाले विजय श्रीमानार्यावलोकितेश्वरः ।

३६०० सोद्व व खुसः नँ कलिषा वर्ष थयँवले श्रीमन्
र्यावलोकितेश्वर, लोकनाथ नेपाल देशे बिज्याकागु जुल
नाथथे प्रमाण रचना याना बिज्यात ।

थनलि गुरु राजायात आज्ञा दयका बिज्यात । भो राजन !

आः भूसिं थव कलश गर्भे तथा श्री लोकनाथयागु मूर्ति दय
माल, थुलि धया महागुरु शान्तिकर वज्रान्तर्य पूर्व जन्मयागु साधकाचार्य ! पुलांगु धिती जिगु रथ जात्रा छगू
खं कना विज्याथे येँ म्हायपी दँ पर्यतस वना अष्टिधियाय मने । थथे आकाशवाणी धया हःगु खं न्यना तथाऽस्तु
सुवर्ण माला हया चूर्ण याता थव मूर्ति दयकीम्ह सु, गन श्री लोकनाथ व जटाधारी निम्ह लोकेश्वरयागु जक रथ
धका बिना याता अन हे यल देगे उत्तमगु यंपी धैगु बिना यायगु याता विज्यात ।

शुद्धचित्तं धर्म याता चोम्ह सुमतिशान्त (शुभश्री मिश्र) श्री लोकनाथ विज्याकेत गुरु बन्धुदत्त

शाक्यवंश दुधेगु सीका वैश्याय कना श्री लोकनाथ करणाम
यागु मूर्ति दयेके वि ४ । गुरुया वचनानुसार व शाक्यमि

रथ दयकूगुया प्रमाण

अष्टिवातु सुवर्ण चूर्णया ३२ स्वीनिता लक्षण संयुक्त गहापां ४ पंगुवः चाले न्हापां आवाहम यातापि प्यम्हभैरवपि-
सुवर्णया विजय कलश गर्भे तथा श्री करणामययागु मूर्ति दय मूर्ति दुबिका । प्रमाले कर्कोटक नागराजा । व नागरा-
जुनु वसपोल विज्याकेत अन हे ईति धैगु धायया समीपमा गलः दुगुलि मछाला कापते । घन्ताः दकयागु मूर्ति चोया
कयब न्याना तवाह बिहारे दयका वया दधवी देगः दयके पिका बली विया चित्तबुक्ने याता गल तोपुया विल । हानं
कमध्यं लोकनाथयागु मूर्ति नं देगः नं दयके सिधसेलि वय स्वीनिता लक्षणया प्रमाण स्वीनिकु तथा दयोदेश
वज्रान्तर्य बौद्ध शास्त्रया विधानं १४ चतुर्दशविपेकं समया प्रमाण भिसोत तथा, श्री लोकनाथया गुरु ध्यान मुद्रा
याता विज्यात । हानं कायसिद्धिया निति गणेश छल्ल स्थानाम, पञ्च स्वरूप पाय्मो धकिया द्योने विज्याका वयाँ
याता । हानं ईखा धगु धासे कौमारी छल्ल न विज्याकल । परम महा गुरु श्री वज्रसत्त्व विज्याका खटमात प्राणिपि
ज्या सिधसेलि बन्धुदत्त गुरु ललितपुर देशस न्हापा यायया लागी पडक्षरी मन्त्र धवज व्वेका वासुकी, शेष
चोंगु पुलांगु धिती न्हयगु रथ जात्रा यायगु देचोंगु थव दि नागराजापि जगल आदि जवे खुवे न्छोणे सालेगु
छगु याता श्री लोकनाथयागु रथ जात्रा छगू जक यायगु वि दुबिका । थुगु रथे श्री लोकनाथ विज्याकल ।

रथे विज्याकुगु दिन

नेपाल ललिते तिथी प्रतिपदा

वैशाखशुक्ले दिने ॥

श्री लोकेश्वर देव रम्य सुरथे

दृष्ट्वा विराजं ततः ॥

समाधियोग याता न्हयगु रथ जात्राया देवतापि श्री लोकना
मूर्तिस साधनायाता विज्यात । थव देलस छगू रथ जा
देवतापि विज्यात, छगू रथ जात्रा जटाधारी लोदेश्वर
विज्या । हानं चैत्य स्थापना याता साधना याता वि
चैत्य पंगुया वन, स्वप्नस कयन हानं आकाशवाणी धया

ते देवाऽसुरमानवाश्च भुजगाः

कुर्वन्ति यात्रां तदा ।

दाक्षिण्ये अमरापुरे दिशिगतं

विघ्ननादिकं शान्तयेत् ॥



वैशाख शुक्लया प्रतिपदा तिथि खुन्हु थले श्री लोके
कहगाम । सुलक्ष्ण युक्तापुरे विजयगु देव, दैत्य, मनु
नागादिपिस खना सकले वया विधिकर्म पूजादि देव लोकपि
जवे, दैत्य लोकपिस खवे जंगलः जोना, मनुष्य लोकपि
स्थाने बिपः जोना साला, ऋशश्चरादि गन्धव किन्नरपिस

धना, पंखां गायका, बाजं थाना, प्याखं हुया नाना मङ्गलोरुव
याना रथ जात्रा यात ।

प्रथम जात्रा गुरु बन्धुदत्त बज्राचार्य माने यात । द्वितीय जात्रा
नरेन्द्रदेव राजां यात । तृतीय जात्रा रथचक्र भरिया प्रमुख
सकसिनं माने यात । चतुर्थ जात्रा देव दैत्यादि, यक्ष राक्षस, भूत
दकसिनं माने यात । हानं थव रथ जात्रास सुथे सुथे नित्य देव
दैत्य, ऋषिगणपि वया स्तोत्र बाँ वल । थव हे प्रमाणं आःगुजि
वाहायापि शाक्यवंशतः, चित्रकारितः, न्यकृत वया स्तोत्र बोनीगु
थैया अद्यापि तर्क चले जुया चवन तिनि । उगु समय रथ जात्रा
थल देशे ज्यावलाख्यो समेतया प्यया याना जात्रा सिधयका
सकल लोकयात दर्शन विया विघ्न दक शान्तयाना दक्षिण
दिशास अमरापुर बुंग देशे यँका बिज्यात । धन नरेन्द्रदेव
राजां श्री लोकनाथ बिज्याकेत बुं न्याना माका लर्च याना
बिहार दयका देवालय दयका वसपोलयात सदां नित्य पूजादि
माःगु कर्म याना बिनाः यायिपिन्त धन द्रव्य बुं तया गुठि
दयका बिल । हानं थल देशे तःवाहा बिहारे न बिनाः यायि-
पिन्त धन द्रव्य बुं तया गुठि दयका बिल । हानं रथ जात्रास
माक ज्या यायिपि कर्मचारीतयत माःगु बन्धोदरथाया लागी
माक बुं तया गुठि याना बिल । थुगु प्रकारं वसपोलयात
रंग छायिपि खवप देशया न्यकृज धैपित प्रतिष्ठा पूजादि माक
कर्म यायिपि बन्धुदत्त गुरुया सन्तान पिन्त, भाडा माक
वीपि नदोल देशया कुम्हातयत, सुवा चोनेत रथचक्र भरियाय
सन्तानपिन्त । हानं सदां स्थीरं भाव-भक्ति याना भजना
यायिपिन्त समेतं माक बुं तया गुठि दयका बिल । हानं नरेन्द्र-

देव राजायागु बुँज्या याना म्हे जुया चोपि नाला देशया किसानत सःता श्री लोकनाथयात पञ्चासुत भोजन छाया लिपा छिमि नथगु धका माझ बुँ बिया रुठि याना बिल । हान सुवर्ण रुप्य नाना धातुया पूजा जोल मा माःगु वसुजा दयका तैबिल । थथे सम्पूर्ण ज्या सिधयका सकल लोकपिसं धन्य धन्य धायकागुरु, राजा भरिया सोमहं कान्तिपुर येँदेशे गोपुच्छ पवतस वना, श्री स्वयम्भू दर्शन यानालि शान्तिपुरस वना गुरु शान्तिकर बज्राचार्यया चरणकमले भोपुया नमस्कार याना थःपि वयागुनिसेँ वयागु तकया जूगु यानागु खँया वृत्तान्त बित्ति यानाबेला कया थःथगु थासे लिहाँ वना परम आनन्द चोना बिज्यात ।

भननि श्री शान्तिकर बज्राचार्य थ शिष्य बन्धुदत्त, राजा नरेन्द्रदेव, भरियारथञ्जक थुपि सोमह वया श्री लोकनाथ नेपाल देशे बिज्याके धुन धका धाःगु खँ न्यना हर्षमान याना ध्यान थः पूर्व जन्मया पुत्र श्री लोकनाथ दर्शन याना आनन्दन सामाधि योगस चोना बिज्यात ।

श्री लोकनाथ बिज्याकुसेँलि तिनि नेपाल देशे बखत बखत जल वृष्टि जुया वामा पिनागुली नं पाके जुसेँली वामा हुने जाकि दया अन्न प्रसस्त जुल । देशवासी लोक पिनि दुःख मध्या आनन्द जुल ।

थनलि ग लिछि काल बिते जुया वसेली छन्दुया दिने गुरु, राजा, भरिया सोमह श्री लोकनाथया न्होने वना बन्धुदत्त बज्राचार्य करुणाष्टक धैगु स्तुत्वाप्रणम्य स्तोत्र (२५) नीन्थगु

चरना धमं चरना याना बोने धुका आः जिगु आयुः मन्त, श्री करुणामयया शरिरें लीन जुया निर्वाणवनेगु बखत थयन धका मती तथा राजायागु ख्वाः स्वया धया बिज्यात

भो राजन् नरेन्द्रदेव ! आः भो सकतां ज्या सिधल, छलपोलयागु हे जक ज्या छगु बाकी दनी, थव ज्या छगु नं छाप् बाकी तथा बिज्यायगु ? थौं हे याना बिज्याहुं । थथे गुरु धाःगु खँ न्यना जुजु बित्ति यात ।

भो गुरु ! जिगु ज्याला छुं बाकी दु थें मर्नो, छुं ज्या बाकी दनी, जि लोमना चोन ला, छलपोलं आह्ना दयका बिज्याहुं । थथे राजा धाःगु खँ न्यना गुरु धाल ।

भो राजन् ! छलपोलया लोमना चोन खइ । जि लोकनाथ साधना याना कलशे बिज्याका वले छलपोलया न्हो वेका चान । लोकनाथ निको तक पिहाँ बिज्यासेँलि सोकःयागु अवस्थाय ज्या विफल उर्वा धका जि छःपिन्त चुल्यां ख्वाना बियाः उगु बखने छलपोया मन मन धाःगु दु । जियेँ जाम्ह राजायात हे थव चुल्यां ख्यात । थवैत जि त्वाथला बी धका भोगु मखुला ? थव हे छगु ज्या बाकी दनी, मेमेगु ज्या फुकं सिधल खः । थव नं बाकी तेम्वाल, जि अपराधियात त्वाथला ब्रह्मा बिज्याहुं । थव खँ न्यना जुजु मछला म्ये धाँन्याना कोछुता बिचाः याना धाल । अहो देव ! थव गुरु ला साक्षात् मंजुश्रीया अवतार खनी मने चोँगु खँ हे स्यू धन्य धन्य गुरु धका चरणकमले भोपुया अनेक प्रकार बित्ति यात ।

भो गुरु ! कोटि बित्ति क्षमा याना बिज्याहुं । नीतिस धया तःगु दु । राजमत्ता, धनमत्ता, यौवनमत्ता थुमिगु बिश्वास

महु उकीं जिगु मने राजमत्ता, धनमत्तां पिहां वःगु खः, थुकी कोटि कोटि जिगु बिन्ति क्षमा याना बिज्याहुँ । थथे धका राजां अनेक प्रकार बिन्तियागु न्यना गुरु बन्धुदन्त हान धाला ।

भो राजन् ! मने वःगु कल्पना ज्या न सिद्ध याथमाः मया तने मने कल्पना दया हे बोनी । उकीं मयासे मज्यू, जिके छुँ विषाद महु । तर छलपोल नाना माथन बिन्ति याना क्षमा फोन, अथ्य जूसां मनयागु बल्पना मने यायत जिगु नम कूशयागु मूर्ति म्ह छम्ह दया त्वाथला बिज्याहुँ उलिन खुसी थथे गुरु धाःगु न्यना जुजु न्हिला धाल ।

भो गुरु ! थव ज्या यानगु जिगु कतव्य मखु, अथ्य जूसां छलपोलयागु वचन शिरोपर याना मचातेमिहती थें जक जूसां जि याये धका जुजु कूश छपु कया गुरुयागु मूर्ति धका म्ह छम्ह दयका भूमिस तया बिज्यात । उगु समथे गुरु थगु जीव समाधि द्वारा कूशया मूर्ति दुविका बिज्यात । जुजु खड्ग प्रहार याना कूशया मूर्ति निकु दयमात्रे सद्गुरु बन्धुदन्त वजाचार्य प्रलय जुया श्री करुणामयया जगु पालिस लीन जुया निवा-
णपद लाना बिज्यात ।

धनलि नरेन्द्रदेव राजां थथे गुरु प्रलय जुया बिज्यागु खना स्मृति हीनजुया लिपा नुगः मछिका जि स्वाय मयल धका अनेक प्रकार बिठाप याना गुरु व लोकनाथया शरण वना, जिन छलपोलया चरणे शरण वये धका भावना याना सर्वभूत धेगु स्तोत्र २४ नीप्यंगु धमं रचना याना बोनालि दण्डवत् प्रणाम यायां अनहे प्राणत्याग याना श्री करुणामयया खवग पालिस लीन जुया मोक्षपद प्राप्तजुल ।

हानं रथचक्र भरियां अन गुरु, राजा निम्हं मृत्यु जुया वंगु सोया अपाले बिलाप याना धाल । हा हा हे दैव ! गुजो गुजोगु जूल, धिक्कार-धिक्कार देव समानपि गुरु राजा मद्यका जि छुँ मस्यूम्ह ज्यापु छम्ह जक स्वाना बोनाया छु प्रयोजन, जिन सिना वने धका इच्छा याना चरपतिपाद धेगु देव मनुष्यां स्तोत्र २५ नीप्यागु चरण रचना याना बोनालि दण्डवत् प्रणाम यायां प्राण त्याग याना श्री करुणामयया पद्मासने लीन जुया मोक्षपद प्राप्त जुल ।

धनलि स्वम्ह महावीर पुरुषपिस प्राण त्याग याना वगु खना सकल लोकयां नुगः मछिका धन्य धका प्रशसा याना धुमिस धया वंगु याना नगु ज्या खं लुमका श्री करुणामययागु रथ जात्रा चले याना भव भक्ति तया नित्य पूजादियाय माक कर्म याना सकल लोकपि रद्द्वार ज्वामा धका आशिका याना चोन ।

दय दस बुंग निस रथ जात्रा यायगु सकलयात थाकी धका १२ भिनिदय लुको बुंगनिसें सालेगु याना, मेगु दपत्ति यल देशे ज्यावलाख्यो समेतयां प्यया न्यायका प्यन्हु दुखुनु ज्यावला ख्यले पूजा याना रथ कवकया खते बिज्याकादक्षिणा-
यणया प्रमाणं दक्षिण दिशा सोका बुंग देशे यँकेगु याना, हानं बुंग देशे खने बिज्याका उत्तरायणया प्रमाणं उत्तर दिशा सोका यल देशे हया तावाहाले बिज्याका वैशाख शुक्लया पारखुनु रथे बिज्याका जात्रा याःगु चरदेव राजां धका सीके माल ।

ज्यावलाख्यःया जात्रास पुतुलं क्यनीगुया संचित खँ

ज्यावला ख्यले पूजा खुन्हु रत्न थुनातःगु प्वाकलं
कर्नागुया कारण छाय धाःसा—भक्तपुर (ख्वपदेश) मिखा
स्यागुया वास यायिम्ह निर्धन किसान (ज्यापु) बुढा छम्ह
दुः छन्हु च थःगु धर्मी वनेत चःबले लेँ ब्राह्मण छम्हसे
न्यत । हे वृद्ध आवाजु ! छि गन भाये तेना ? जिगु छे स्त्रीया
मिखास्याका चोन, याना याना वासल मज्यू ! छि मिखाया
वासः यायिम्ह धाःगु न्यनाः उर्कि छितः छकः क्यने धका सः
तः चया लेँ हे नाप लात थिक जुल नु, आः हे भासँ ।

बुढां धाल— छिगु छे गन ? जि मिखाया वासः यायिम्ह
जा खः बुँ वनेत चया, आः धन वासः नं महु ।

ब्राह्मनं धाल— बुँ भाय म्वाल, जिगु छे भासँ नापं बोना
यंके, वासः कायके हय धका मित्रास याना बोना यत, तःदहनस
थयसेली हानं ब्राह्मणं धाल ।

हे वैद्यजु ! जि मनुष्य मखु, कर्कोटक नागराजा खः जिगु
छे पुखुली दुने, छि याना दी मते मिखा तीसिना दिसं जि
चयपुना यंके थये थया बुधायात चयपुना पुखुली कोत यना
सुवर्णया छे दुत यंका छगू धासे तया साःगु अमृत तुल्यगु
भोजन याकालि थः स्त्री नागिनी सःता क्यत ।

थय बेलस बुढा आश्चर्य जुया खछि सुँक चोना मनं थ्री
भैषज्य तथागत स्मरण याना धाल । भो गुरू भैषज्यराज तथा-
गत जितः सुदृष्टि सोया विज्याहुँ । थुलि मनं थया जवगु

न्हायपया लिउने लाहातीं ध्वे ध्वे याना खिति त्थीका गुलि
गुलि बिना ख्वांगु लखे मिले याना भैषज्यराज धारणी बोना
नागिनीया मिखास दुने थयंक तया विल । वं चोंगु धारणी
थय खः ।

ॐ नमो भगवते भैषज्य वैदुर्य प्रभकेतु
राजाया तथागतायार्हते सम्यक्संबुद्धाय तद्यथा
ॐ भैषज्य महाभैषज्य सुभैषज्य परम
भैषज्य स्वाहा ॥

थये धारणी बोना न्हिछिया सोकः वासः तयकुसेली
सिद्धिया प्रभावं प्यन्हु पुला न्हान्ह दुखुन्नु नागिनीया मिखा
स्यागु रोग भतीचा हे मन्त, निर्मल शुद्ध नेत्र जुल । थय
बेलस नाग नागिनी निम्हं खुसि जुल ।

हे वैद्यराज ! धन्य धन्य जीमिखा कने मजिया हीया चोने
मफया याना यानागु उपार्य मजिया चच्छि चच्छि खोया
दुःख बिया चोंगु, छि प्यन्हु वासः याः बले निर्मल उर्वीक
लायका विल, आः छितः जिं छु वियाळे, छितः छु माः जिके
दुगु धेदिसं निश्चय नं बी । हानं नागिनीनं धाल, अहो धःय
धन्य ! वैद्यराज धांथे देव तुल्य खः याना यानागु उपाये
मज्यूगु नेत्र रोग प्यन्हु वासः याना निर्मल शुद्ध उर्वीक लायक
विल । भो स्वामि ! थवं धाःगु बिया विज्याहुँ ।

उगु समये कर्कोटक नागराजाया पिना चोंगु हेरा मोति
जरै याना तगुलि ज्वारा ज्वारा चोंगु प्वाकलं खना थय बुढां

व हे प्वाकलं वपाः जितः व्यूसा ज्यू, जि बुँ वने बले फिना वने धका धाल ।

ध्व वेलस नागराजा मुसुमुसु न्हिला फिना तैगु प्वाकलं तोया धाल । भो वैद्यराज ! ध्व लयात पुतुलं न धायि, पुतुलं न धायि । जि अतिकष्ट नया दयका तैग ख, छि फोन जि बीगु जुल यंका दिसं धका बिया, हानं मेगु धन रत्न न बिशा घयपुना पुखुलि थत हया न्हापा नाप लागु लें थयंक तया नागराजां धाल ।

हे वैद्यराज ! आमलें तोपुया यंकी, रत्न मणी जक थुना तयागु अमूल्यगु नाग वस्त्र ख, लालापित्त क्यने मते, ध्व खं गनं कने न मते मेविसं लोभ याना कार्या बिचाः याना नि जि वने जुल धका धया बेला कया नागराजा लोप जुया थःगु थासे लिहाँ वन ।

थनलि बुढा वैद्य छें थयसेलि जहानपिसं न्यन, छ गन वना वया ? प्यन्हु न्यान्हु इत जिमिसं माला जुयागु सुता नं खना धाः मदु ।

बुढां धाल—हे मचात ! जि लें बाग्गण छम्ह नाप लात, व जितः बोना यंकल धका वतान्त खं कना छिपि पत्या मजूस ध्व नागराजां बिया हःगु धन रत्न, पुतुलं सो धका क्यना निचवुझे थात ।

छन्हु व बुढाया नागराजां बिया हःगु पुतुलं फिना बुँ वन, मध्यान्ह काले भूत छम्हसं खना ताउति सोया मति मती धाल । अहो ! ध्व ज्यापु जा ध्वी ज्या यायत हे थाय थासे हेरा मोति दुगु लें फिना ज्या यायिम्ह, ध्व लं गन कया

हःगु ध्वी न्यना सोये धका मनु जुया न्यन ।

हे आवाजु ! आमलें छं गन कैः हैग तच्चकं बाला जितः गु जि मूषी ।

बुढां धाल—ध्व लें जि नागयात वासः याना सिर्पाव बिया हःगु, ध्व लया मूछं बीफै, मखु, जि बी नं मखु । थये बुढां धाःगु न्यना भूतया लोभ वना उखुनु सुंक लिहाँ वन कन्हेखुनु न्हापा लाक वया ध्वी सुला चोन । बुढाया व हे लं फिना बुँ वल, न्हिने ज्या याना तांनोया लं तोता छथाय् यागिमे तया हानं ध्वी ज्या यात । सुला चोम्ह भूत तीजक वया लं काचाक कया विस्त्यु वन, बुढां खना ल्यू वन लिलाके मफु भूत छथाय् लोप जुया वन । बुढा निराशा जुया थःत थम धिकार याना धाल । ज्यापुया बुद्धि हिरा मोति दुगु लं फिना ध्वी ज्याया वैद्य, तोते खुनु माला, बिनाश कारणे अमूल्यगु वस्तु फुत धका झसुकाः तया खो खों छें वन । मचातसें न सीका बो बिल, दिक् ज्वीका चवोन ।

थनलि कथःथें ज्येष्ठ मास थयन, यले श्री करुणामयया रथ जात्रा याना ज्यावला ख्यले थयका सोन्हु दुखुनु रात्रिस मनुष्य लोकपि वया (दीप मालिका) मत व्हेका, चाकः मत तया स्तोत्र बोना चाःउला चवन । कर्कोटक नागराजा नं वःमा तोता मनुष्ययागु रूप जुया उखे थुखे सोया चाःउला चवन । खपयाम्ह वैद्य बुढा न वया अन सोया बो चाःउला चोन । थुगु समये भूतगणपि न मुना वया उखे थुखे सोया, मनूते नयेगु तोनैगु जोरं याना हया दिका तःगु थासे वना मखांक मखांक कया नया दुःख बियां जुल । मनूते थन सँ

वःगु मखना, थव नं मदु वनं मदु धका कल्लोल शब्द हाल
अद्भुत नाया चोन ।

अले अन यलया हे प्रजाचार्य छहसँ अवश्य थन थव कया
ने जूषि मदै मखु सुज्वा सो हे सोये धका ताये आखे, ईका
पका कया मन्त्र वाना होला ताइन तया दिग्दधन याना
विसेलि भूतगणपि गन वने मफया रुने दया चल । थुगु
मौकास पुतुलं खुया यंकुम्ह भूत नं व हें ल फिना अन वैचोरेह
ताइनया प्रभावं बने मफया ले दना चोन । बुढां रुना दवा
दना कावाक जोना जिगु ल खुया यंकुम्ह चौर भूत थव हे
का आतिनि लातका छ भाजु, धौला मिहग ला जि माला
जुयागु, आमल तोता हकी मखुसा कसा याय त्यल धका जोना
तल । सकसिनं छु छु धका सो वल लसकरं तोपुल मनुष्य
रूप जुया चोम्ह कर्कोटक नागराजा नं अन हे सो चल ।

भूत थाल-हे बुढा ! छं जितः तोती, थव लं जि वी
थुया हेगु, छन्त छु धका वा, तोतेसा तोती मखुसा
छं कसान धका निम्ह सिया थिथि लवात मेपि भूततसे हेरा
बिया चोन । मणिमय लंया प्रभावं भूतया बल दै चोन बुढायात
कसा यात । बुढा धे धे चुल ग्वाहाली ग्वाहाली धका हाल । थव
बेलस मनुष्य रूप नागराजां तांपिकया लाहा मुरकिचिना चौर
भूतयात बेगं छेने छथु दाल, भूत सोचा चाउला भूमिस गोतुल ।
मेपि भूतत ग्याना चिला वन । लिपा चौर भूत दना वया
बिन्ति यात ।

भो मानव ! क्षमाया क्षमाया, थव ज्यापुयात मणिमयलं
वीगु लायक मजू । थुगुगु अमूल्यगु बस्तु वी तोता ज्या

यायिम्ह, अवश्यनं छन्हु खं लुचातेगु लहातीलायी, उकीं जि
मबिया खः । थये भूतं धागु खँ न्यना मनुष्य रूप नागराजां
थाल ।

हे भूत छं जितः म्हस्यूला ? का सो छं जिगु रूप धका
नागराजायागु रूप कयनः अले हानं मनुष्ययागु हे रूप जुया
थाल । हे भूत ! छं धागु खला खः, तर जि छगु ज्याय खुसि
जुया थव बुढा वैद्ययात आम पुतुलं सिग्पाउ बिया हैगु खः,
आमलं छ भूतयात नं लायक मजू न्हागु हे जूसां जि वी धुन,
छयाकन तोता व्युथये नागराजां धागु बचन न्यना पुनर्वार
भूतं बिन्ति यात ।

भो नागेन्द्र ? धन्य धन्य छलपोल, छलपोलयाके जि छगु
बिन्ति याये न्यना बिज्याहुं । छु धाःसा, आः थव रत्नमय
पुतुल व ज्यापुयात नं लायक मजू, जितः नं लायक मजू । उकिं
वयात नं वी मखु, जितः नं काय मखु, श्री करुणामययात
दहलपे । नागलोक पिहा वःगु बस्त्र सकल लोकयात कयने माः ।
थये भूतं बिन्ति यागु खँ न्यना नागराजाया नं बुढा दैद्यया नं
चित्तबुझे जुया अन दुषि सकल लोकपित थव खँ कनालि भूतं
मणिमय पुतुलं तोता बिल ।

थनलि कर्कोटक नागराजा, ज्यापु बुढा वैद्य भूत थुपि सोम्ह
मिले जुया श्री करुणामय लोकनाथयात मणिमय हेरा मोति
जरे याना तःगु पुतुलं चढे यात ।

थुगु समाचार न्यना वरदेव राजां सो नसेलि मनुष्य रूप
कर्कोटक नागराजां राजा प्रजा आदि अन दुषि सकल लोकपित
आज्ञा दयका बिज्यात ।

भो राजा प्रजादि, सकल लोकपि ! धव नागलोकं पिहाँ
बःगु रत्नमय पुतलं (पवाकलं) देँ देँसं ज्यावला खवले जात्रा
खुनु जुजु वया प्यगु दिगसं कयने माल ।

न्यापांगु—देव, दैत्य, मनुष्य नागलोकयात कयने माल ।

निकःगु—यै, यल खवप, तःदहने । निर्वाण जुया वंसाँ बन्धुदत्त
गुरु, नरेन्द्रदेव राजा, रथंनक भरिया, यात व
कर्कोटक नागराजायात कयने माल ।

सोकःगु—भूत, किसान वैद्य, भूतगणपित ताडन तःम्ह
बज्राचार्य सहित लोकपित्त, यक्ष लोके चोपित्त कयने
माल ।

थये धका सत्य वाचा याता लोकपित्त साछि तया किसान
वैद्ययात भूतयात, भूत कयंम्ह बज्राचार्ययात नं सन्तोष उवीक
धन द्रव्य बिद्या मनुष्य रुप कर्कोटक नागराज लोप जुया वन ।

धव भूत वन चोम्ह धाःसा—सुशील भैरवया थाय् दौज्य
क्षत्रे चोम्ह धका सीकी ।

धनंलि वाचा फपुला वसेंलि यक्ष लोकपि आपालं वया
पूजा थायगु तोहविता श्री लोकनाथ हरण याता यके धका
चल । धव बेलस श्री करुणामययागु पालिस लीन जुया बिज्याम्ह
गुरु बन्धुदत्त बज्राचार्यया मन्त्र सिद्धियागु प्रभाव ३२ स्वीनिम्ह
देविपि प्रकट जुया लिता यंकल । धव हे धिति थोँया अद्यापि-
तकं वा बोनी खुनु तकी खाना देवी प्रवेश उवी मानी । कन्हे
खुनु नं नाम लोकया वस्त्र, हेरा मोति दुगु पुतलं कयनेगु धिति
थोँया अद्यापि तर्क कयता चोत तिनी । धव नाम वस्त्र दर्शन

धानागुया जलं अठ्ठमहाभय तरे जुया वनी गुल ।

सुनां धुम् श्री लोकनाथ करुणामययागु भाव भक्ति याता
थ जात्रास आदिं नित्य सेवा जाना पूजा-भावं याये, वया
दुगु जन्मस पुरव सम्पत्ति प्राप्त जुया अन्नयागु दुरव भद्रया
लिपाया जन्मस मोक्ष वनीम्ह जुयी ।

धव न्हाया न्हाया जुया वंगु शानियुगिपिसं च्या
धङ्गु धव खं आः जिं धन संक्षिपि कपं प्रकाश याता ।

शालि श्री मर्यादात लोक क्षत्रा मक्षिमय वंभवल

मातास श्री लोकनाथ करुणामय भयाल

सङ्गु खं समाक डाल /

→ : ० : ←